

ብጹእ አቡነ ጴጥሮስ - ዐቃብ-መንበር አርቶዶክስ ተዋህዶ ቤት ክስታን ኤረትሮፖ: ልእክት ሓለፈው



ብጹእ አቡነ ጴጥሮስ - ዐቃብ-መንበር አርቶዶክስ ተዋህዶ ቤት ክስታን ኤረትሮፖ: እብ መናሰበት በዐል-ትግላኤ ልእክት ሓለፈው።

እግል ምእምኒን ዲን ክስታን እብ ዓመት፡ እት ከርስ ዐድ ወክሮ ለህለው ኤረትሮፖን ህዩ እብ ፍንቱይ፡ “አሰናይ እትሊ አብጽሖኩም” ለቤለው ብጹእ አቡነ ጴጥሮስ፡ እሊ በዐል-ዐቢ ሕድ እንዴ ሳማሕኑ ምስል ግዋሬ ወአቃርብ እብ ፍቲ ወሕሽመት፡ ክምስልሁመ ለአለም ምንሊ ህሌት እግልን እንዴ ከፈልናሆም እግል ነሐልፉ ልእክቶም ሓለፈው።

ብጹእ አቡነ ጴጥሮስ - ዐቃብ መምበር አርቶዶክስ ተዋህዶ ቤት ክስታን ኤረትሮፖ ዲብ ደንጎቤ ዘመን ሰላም ወፍቲ እግል ልግባእ እግል፡ ክምስልሁመ ለሳፈረ እብ ሰላም እግል ልእክቱ፡ ለ’ሐመ ረቢ እግል ልሸፈዩ ወለተሐገዝ ረህየት እግል ልርኩቤ ሰኔት ትምኔቶም ሸርሐው።

አንፋር 36^{ይት} ደውረት ክድመት ወጠን ደረሰ መዳርስ ፈንዮት ደሐረው

ዲብ ክለ ወጠን ምነ ህለዩ ናይ ምህንት መዳርስ ሐቐለ ደሐረው፡ ዲብ 36ይት ክድመት ወጠን እግል 6 ወሬሕ ዲብ ሳወ ዋጅብ ዐስከርያይ ወስያስያይ ምህርሆም ታብዖ ለዐለው ደረሰ ዲብ ዮም 4 ማዕ ደሐረው።

ዲብ ቃሽ መርከዝ ተእሂል ቅዋት ድፈዕ ኤረትሮፖ ሚጀር ጀነራል ረመዳን ዐ-ሰማን አውልያይ፡ ውቁላም ቅያደት መርከዝ ተእሂል ክድመት ወጠን፡ አንፋር 36ይት ደውረት ወመረብዮቶም ለሐድረው እተ መናሰበት፡ መትድሕረት እብ ነዘር ወፍዕል እግል ከሰበዉ ብስር ወጥቡብ ለለርኤ ናይር ዕፌ ቀደመው።

ሚጀር ጀነራል ረመዳን ዐ-ሰማን አውልያይ ዲብ ቀደመዩ ክለመት፡ ሕኩመት ወሸዐብ ኤረትሮፖ ዲብ ሸባብ ወድዉ ለህለው ፍራሮ ዐቢ፡ አተላላይ ወጠን ወአግማም ለለእክድ፡ እብ ክሉ ብቐዕ ሻብ እግል ረበዮት ለአመመ ክምቱ ሐቐለ ሸርሐ፡ ክል ምዋጥን እብ መልኩ አምር ወምህንት ዲብ ወቅቱ እንዴ ሸቀ ወትጸገመ እግል ግራሁ ለህለው አግማም እግል ለአውርቡ ሕርያን እንዴ ኢጉብእ ወጠንያይ ዋጅብ ክምስልቱ አፍህመ።

“ዓደት መድሐራት፡ እብ በቃዕት ወጠንያይት መስኡልየት ለትረፊዕ እተ መናሰበት ተ” ለቤለ ቃእድ መርከዝ ተእሂል ክድመት ወጠን - ኮሎኔል ደበሳይ ግዴ እብ



ጀሁቱ፡ መትደርበት - ዐስከርያይ ወስያስያይ ምህር እክላቅያት፡ ኬው ብንዮት ገሮብ ወርያደት ለሸምል ወራታት እንዴ ሰርገለው እት መድሐራት ክምስል በጽሐው ሐቐለ ሐበረ፡ አዋልድ አንሳት እግል አርአያህ ዛይደት መዕነውየት፡ ኤማን ወመትሰባል ሐመደ።

መትድሕረት ህዩ፡ እብ ዐውል ቃሊ ሹህደእ እግል ትረከበት ወጠን

እግል ዐመሮት ወሕፍዘት፡ እብ ክለ ሐሊቶም ክምስል ከድሞ፡ እብ እሉ ከረው ቀሰም አክደው።

ለበርናምጅ፡ እብ መዳሊት ፈን ወብዕድ ጸበጥ ጋምል ዐለ።

ዲብ ደንጎቤ እብ በቃዕት ገሮብ፡ ዐስከርያይ አደብ ወእክላቅ፡ ክምስልሁመ ዲብ ብስር ወጥቡብ ዝያደት ነጀሕ ለአርአው መትደርበት ወአንፋር ጀዋእዝ ተህየቡ።

መአሰሰት አላት ሕክምነ ወደወ ጠለብ መአሰሳት ዓፍየት እግል ተአትምም ትከድም ህሌት



መአሰሰት ደወ ወአላት ሕክምነ ኤረትሮፖ - ‘ፋርሚኮር’፡ ጠለብ በቃዕቱ ወደማንቱ ለተአክደት ደወ ወአላት ሕክምነ መአሰሳት ዓፍየት እግል ተአትምም ትከድም ክም ህሌት መመቅርሓይ ሸቅል ዝቤ ወተውዝዕ አሰይድ ዮሴፍ ባህልቢ ሸርሐ።

‘ፋርሚኮር’፡ ክለብ ዲብ ሐን ውዛረት ዓፍየት ለልትመቃርሐ መአሰሳት ዓፍየት፡ እተክምስልሁመ ናይ ብሕተ ፈርማሻት ውብዕዳም

እብ ውዕል ራትዕ ክም ትወዝዕ ለሐበረ አሰይድ ዮሴፍ፡ ለበዝሐ ደወ ወአላት ሕክምነ ምን ካርጅ ለልዛበው ዲብ ገብእ፡ 35 ጅንሰ ደወ ዲብ መአሰሰት ደወ ‘አዘል’ ለልትሰናዕ ናይ ቀበት ዐድ ፈርያት ክምቱ ሸርሐ።

ክሉ ደወ ወአላት ሕክምነ እንዴ ኢልትዛበው ናይ ቴክኒክ፡ ዓፍየት ወማልየት ጌማም፡ ዲብ ዐድ ክም አተ፡ ህዩ እት ከደማት እንዴ ኢልውዕል፡ ምስል መአሰሰት መራቀብት ነብረ ወደወ እብ ትጉብእ መዓወንት ክም ልትቀየም እንዴ ሐበረ፡ እት ሰነት 2023 ዐውል ዝያድ 32 ሚልዮን ዶላር ደወ ወአላት ክም ሕክምነ ምን ካርጅ፡ ዝያድ 141 ሚልዮን ነቅፈ ለዐውሉ ደወ ዲብ መአሰሳት ሰናዕት ‘አዘል’፡ ፈርያት አክሲጅን አሮተ ወመአሰሰት ፈርያት ናዙር ‘ፍረድ ሆሎውስ ለትዛበው ክምቱ አክደ።

ዲብ ሰነት ለህ ዐውል 606 ሚልዮን ነቅፈ ደወ ወአላት ሕክምነ ዲብ ቀበት ዐድ እተ ህለዩ መአሰሳት ልትወዛዕ እት ህለ፡ ምኑ ለ79 ምእታይት ዲብ ሐን ውዛረት ዓፍየት ለልትመቃርሐ መአሰሳት ዓፍየት ለ 21 ምእታይት ህዩ ዲብ መአሰሳት ሕኩመት ብዕድ ወናይ ብሕተ ክም ትወዝዕ ለሸርሐ አሰይድ ዮሴፍ፡ ዝያድ 77 አልፍ ምትር ሙከዐብ አክሲጅን መ ዲብ ክለን መአሰሳት ዓፍየት ክም ትወዘዕ ኡብርህ።

እብ አሳሰ እሊ፡ እግል እስብዳልየት መርጀዕየት አሮተ ‘ሲቲስካን’ ልትዛበው እት ህለው ለልትሐረክ ወሰብ ማሸናት ‘ራጃ’፡ በንጅ፡ ወወአላት ነዓፈት ወላቦራቶሪ ወበረኪና ለለአፈርየ ማሸናት፡ ወአላት ሪዘዮትራፒ ዲብ ክሉ አቃሊም ክም ትካፈለ ለሐብሬ አፍህመት።

‘ሳምን ሕርየት መዳርስ’ አቅሊም ምግብ፡ ረስሚ ትክሰተ

“ደማንት ሰላም እብ ሰባት” እብ ትብል ሰቅራት፡ እብ መናሰበት 33ይት ሰነት ዒድ ሕርየት፡ ለትዝመት ‘ሳምን ሕርየት መዳርስ አቅሊም ምግብ፡ ዮም 7 ማዕ ረስሚ ትክሰተ።

ሓክም አቅሊም ምግብ አሰይድ ፍሰሃዩ ህይለ ወመስኡል ሸኡን ተንዚም ጀብሁት ሸዕብየት እግል ዲሞቅራሲየት ወዐዳለት አሰይድ ዮሴፍ ሳይቅ፡ ዲብ ሐድረው እተ መናሰበት፡ መስኡል ፈሬዕ ተዕሊም አሰይድ በላይ ሀብተጋብር፡ ዲብ ቀደመዩ ክለመት፡ ሕርየት ኤረትሮፖ እግል ትምጸእ እግል ዝያድ 30 ሰነት ለአተላለ ሰዓድ ወክድ ወለጠልብዩ ዐውል ቃሊ እንዴ አሸረ፡ ለሐልፈ ታሪክክ ወዐጃይቦታትን እብ ዋጅብ ዲብ ሸባብ ደረሰ እግል ልትሐላለፍ፡ መጅትመዕ እብ ዓመት ዋልዴን ህዩ እብ ፍንቱይ እብ እህትማም እግል ልክደም እቱ አትፋቀደ።

እግል ብዝሐነ ወዲቡ ለህሌት ግርመት ወውሕደት፡ እግል ታሪክ ንዓልኡ፡ እግል ሄራር በራምጅ ዐማርኩ፡ ክምስልሁመ ዓዳትን ለትሸፊሕ ሳምን ሕርየት መዳርስ፡ ዲብ ነወሮት በራምጅ ዒድ ሕርየት ወሓለፎት ቅየም ለህለ እሉ ዶር እብ ቀሎ ቀሎ ክምስል ኢልትረኡ፡ መመቅረሓይ ሳምን ሕርየት መዳርስ አቅሊም ምግብ መምህር ዐቅበሰላሴ ተወልዴ ሸርሐ።

አሰክ 20 ማዕ ለተአተላሌ ‘ሳምን ሕርየት መዳርስ’ አቅሊም ምግብ፡ ምን ረውደት አሰክ ካልኣይት ደረጀት ዲብ ህለ 256 መዳርስ እግል ልግበእ ቱ።

ለዓደት መክሰቲ፡ ደረሰ መአንብታይት ወምግባይት ደረጀት መዳርስ ሕጃባም አብረህ በህተ፡ መድረሰት ዐወት፡ መድረሰት ፍሬ ሰላም፡ ረውደት ረሓቦት ክምስሁመ መድረሰት መድረሰት ደንደን እብ አቅረበዉ መዳሊት ፈን ጋምል ዐለ።

ቃእድ መርከዝ ተእሂል ቅዋት ድፈዕ ኤሪትሮፖ: እት ሳወ ሸፊሕ ዐማር ሀበ



ቃእድ መርከዝ ተድራብ ቅዋት ድፈዕ ኤሪትሮፖ - ሚጀር ጀነራል ረምዳን ዐሰማን አውልዶይ፡ ዲብ ሳወ ለትፈናተ በራምጅ ዐማር እግል ልሰርገል ክምሰልቱ እንዴ አሸራ፡ ፋዝዐት ወእይሰት መሻረከት ክል ነፈር እግል ተሀሌ አትፋቀደ።

ዲብ ሳወ ታምም መሰሰሳት ከደማት እጅትማዕዮት እግል አዳላይ ወእግለ ዐለ እግል ጠወሮት እበ ፈግረ በርናምጅ ዲብ ቅሩብ ምስተቅበል - ሸቅዮት ዘበናይ ሰከን መደርሲን፡ አትሳናይ ወአውሰዶት ከዋ ማይ ሲቶ፡ ክምሰልሁመ ብንዮት ከዋ ርሶሕ ፊሻት ለሸምል ወራታት ዐማር ክምሰል ገብእ እንዴ ሐበረ፡ ዲብ ሰርገሎቱ ወአትሻፈጎቱ፡ ዶር ወመሻረከት አንፋር መርከዝ ተእሂል

ዛይድ ክምሰል ገብእ ለበተ ደማት ሸርሐ።

ቅደደት ዲብ ማርሐት ወረበዮት ደረሰ ሐዳይሰ ለልትዮመዋ አንፋር እግል ሊደዉ ለም አግቡይ ለከሰሰ መምርሕ ለሀበ ሚጀር ጀነራል አውልዶይ፡ ዲብ 37ይት ደውረት ለልትከረው ደረሰ ምሰል ብዝሐሆም ለልትመጣወር መዳሊት እት ዶሉ እግል ልሰፊ፡ መስኦልዮት ዋልዴን እንዴ ረፍዐው ለሸቁ አንፋር ወመረብዮት ህዩ፡ ዲብ ረበዮት ወሐበሮት ደረሰ እንዴ ኢልትሐለሎ እግል ልጸገሞ ትፋን።

መሻርከት ዲብ ሀበዉ ረአይ፡ እግል ተህዩቡም ሐብሬ ወምህር ዲብ ሸቅሎም ሴድያይ ክምቱ እንዴ ሸርሐው መዳሊቶም አክደው።

ኤሪትሮፖን ሰካን ሰዊዘርላንድ ወራታት መዕዩ ዲፕሎማሲያት ሰርግሎ



አንፋር ጃልዮት አረትሮፖን መንጠቀት ባዝል- ሰዊዘርላንድ፡ 5ይ ወዕላሆም እት ዮም 21 አብሪል እብ ዐውቱ ተመምም እት ሀሌ፡ ኤሪትሮፖን ሰካን አምሪክ ህዩ ወዕላታት ቅዋት መሓብር ሰርገለው።

እብ አሳስ ምን ለትፈናተ ድዋራት ለበጽሐተና ሐብሬ፡ ጃልዮት መንጠቀት ባዝል እት ሰርገለቱ 5ይ ወዕለ፡ መስኦል ሸኡን ተንፊዚ ሰፋረት ደውለት ኤሪትሮፖ እት ሰዊዘርላንድ አሰይድ ሀብቶም ዘርአይ ወመስኦል ሸኡን ሸዐብ ወጃልዮት አሰይድ ተወልዴ ዮውሃንሴ ሓድረት ሓለት ወጠን ወመንጠቀት፡ ክምሰልሁመ ዶር ወመሻረከት ጃልዮት እት ሕፍዘት፡ ረበዮት ወወርሰ ዓዳት ወሰዋልፍ ለኸሰሰ ሸርሕ ሀበው።

ርአሰ ጃልዮት አሰይድ አማኡኤል ተኸሌ እት ቀደመዩ ተቅሪር ጃልዮት እት መትከሳት መድረሰት ህግያ እም፡ በራምጅ መዕዩ ወወጠን እግል ልትሰርገል፡ ክምሰልሁመ እት አተረዶት ወሕደት ዶር ዐቢ ክም አግዴት ወደሐ።

እሊ ክእን እት ሀሌ፡ ኤሪትሮፖን ሰካን ሶሎቶርን 12,845፡ ለዘርን 9,127፡ አራው 6,481፡ ሰንጋሌን 4,910፡ ቱርጋው 3,740፡ ሉጋኖ 3,590፡ ዙግ 3,170፡ በርን 2,550፡ ሸፋውዘን 2,019፡ ፍሪቡርግ 1,800፡ ሻሌ ወድዋረ 1,410፡ እብ ዓመት 51,643 ፍራንክ ሰዊዝ እግል ረዘቀት ሰንዱቅ እማነት ሹሀይ፡ ኤሪትሮፖን ሰካን አቅሊም ሉር ህዩ እግል ማርዲት 5 ዓይለት ሹሀይ ለልውዕል 3,600 ፍራንክ ሰዊዝ ትበረወው።

እሊ ክእን እት ሀሌ፡ እት ግብረታይ ምፍጋር ጸሓይ አምሪክ ለከድም ተጀመሮ ጀብሁት ሸዕብዮት እግል ደመቅራዋየት ወዐዳለት፡ ናይ ሐል ወዕለ ወጠንያይት ልጅነት ኤሪትሮፖን ወአምሪክዩን እት ዮም 20 አብሪል እት እትላንታ ወደው።

ኤሪትሮፖን ጽሑፍ

ክል አርቡዕ ለትጠብዕ ጀሪደት

መዳልያይ፦
- መሐመድ እድሪስ

ለይአውት ወአርተዖት
* ዘሀረ ዐሊ
* ፋጥነ አድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

እት አቅሊም ግብለት በሐር ቀዩሕ - ምዴርየት አራዕተ፡ ወላዊል መደረት አጅረ

እት አቅሊም ግብለት በሐር ቀዩሕ - ምዴርየት አራዕተ፡ ዕሳስ ለተሐበረ ዲቡ ወላዊል-ድቁብ ዲብ እንሱስ ወመምተለካት መደረት አጅረ።

እብል እት ዮም 26 አፕሪል ለጀሬት ጠቢዐታይት ብቅት፡ ዲብ እዳራት ደዋዬሕ ብሐይታ ወዓዳይሎ ዐስሮታት አብያት ክም ወድቀ ወዐስሮታት እንሱስ ክም ሞተ፡ ለእንዴ አከረ ለበጽሐኑ ከበር አፍህመ።

አስክ እለ እብል ገብእ ታያን፡ ዲብ 'ራ' እዳረት ደዋዬሕ ብሐይታ 169 ቤት ልትደመር እት ሀሌ፡ ዲብ እዳረት ደዋዬሕ ዓዳይሎ ህዩ 40 ቤት ክም ወድቀዩ ወ 22 ረአስ ምን ዐጣል ወአባጌዕ ወአሮት ገመል ክም ሞተው እመር ህለ።

ኤሪትሮፖ፡ ምሕል ምስንዮት ደያናት

ጸም ረመዳን ወጸም አርበዐ ምስል ለሳደፈው እቱ አውረሐት እንዴ ሓለፍን፡ ዲድ አልፈዋር እብ ነያረት ዐዩድን ወአዜመ አሰናይ እት በርሀት ትንሳኤ አብጸሐኑ። እብል መናሰበት ልጅነት ቅስም ጀሪደት፡ እግል ኩሉ እት ቀበት ዐድ ወካርጅ ለነብር ሸዐብ ኤሪትሮፖ፡ “በዓል ጠላለት ሊደዩ እልነ” እት ትብል፡ ዎር ምን ሕሽሞታት ሸዐብ ኤሪትሮፖ እግል ትወዴሕ ተሐዜ። እሊ ለሀሌን እቱ ዘበን፡ እብ ስሜት ደያነት ለገብእ እርሃብ፡ ዝልም ወደማር ለገርገረ ዲቡ፡ እግል ደያነት መሻቀዩ ሲያሰት እንዴ ወዴካህ መናካለ ለአጅአረ እቱ ቱ። ክምሰልሁ ሰበት ገብኦ፡ መፈም ራቱዕ ጀላብ እግል ለሀሌ፡ ተውዴሕ ሂበት ምህም ጋር ቱ።

ክስታን እት ምድር ኤሪትሮፖ ዲብ ሰነት 329 አተ። እሰላም'መ ነቢ መሐመድ እብ አርወሐቱ ዲብ ሀሌ፡ (570-632)፡ ‘ሱሓብ’ እት ምድር ሐበሸ እግል ልትከተሉ ክም መጽአው ለአታ ቱ። ናይለ መደት ለሀ ነገስ በሐር እግል ከተለምዎ ‘ሱሓብ’ እግል ልርኮሞ ክም ተሐበረው፡ እት ዋልም ኢሀበዎም። ምነ ዘበን ለሀይ እንዴ አንበተ እምኖታት ክስታን ወእሰላም እት ኤሪትሮፖ እብ ምስንዮት ምስል ነብረ ህለዩ።

እብሊ ህዩ፡ ምስንዮት ደያነት፡ ዎርት ምነ ዋዴሕ ሕሽሞታት ሸዐብ ኤሪትሮፖ እት ገብኦ፡ እት ዓዳት መጅተመዕ እንዴ ተሐበዘ፡ ዕላመት ሐዳረት አጅያል እት እንቱ ነሸኦ። ሸዐብ ኤሪትሮፖ ዌርሳይ ናይ እሊ ዓዳት ውጁህ ምን ገብእ በዐል በክት ቱ። እብ ደያነት ወዓዳት ሐዳረት ዋውር ናይ ቀዳምያም አብዕቦታቱ ሰኒ ፋውሽ ቱ። እብ ፈድል እለ ሕሽመት እሊ፡ እት ክፍለት ለሐልፈ ክፈል ዘበን፡ ወጠንያይት ሐረከት ኤሪትሮፖን እግል ፈራታክ ለትሀንደሰት አመልህዩ ደያነት በልቀት ዐላል ኬደት ከኢትዐውተት። እት ንዳል ሕርየትመ እተ ክምሰልሁ።

እትለ መደት ጎን፡ መጅተመዕ እብ ደያነት እግል ትፈናቱ ወተአትብእሰ ለሀደፈ አጃንደት ሲያሰት ለዕንዱቃም ለአይክ - ‘ሐውርየ’፡ “አክትበት ፍንቱይ ብነ”፡ “መምባነ እትኩም ለአከነ”፡ “ዘዐት ረቢ እግል ነአስመዐኩም”፡ “ምን ዘንብ እግል ነአልጸሐኩም”፡ “ምን መረድ እግል ነዓልጀኩም”፡ “ተዝከረት ዐርሸ እግል ንዋሪም እኩም”፡ ወብዕድ እት ልብሎ እብ ፍክር አደሚ እት ልተልሀው ዲብ ለሀለው መደት፡ እብ ናይ አሰል ደያነቱ፡ ጅንሰዮቱ ወዓዳቱ ለሕቡን ሸዐብ ኤሪትሮፖ፡ ጅንሰዮት ጀዳድ ሰበት ኢትአትሐዝዩ፡ እት ምስልምነት ልግበእ ወክስትነት፡ ወዐዝ “ላብብ” ልግበእ ወ “መትጠርፍ”፡ እት ረአሰለ ፈዛዐት ደያነቱ ለውቅል ወናይ ሲያሰት ተጃርቡ ሸፊሕ እግል ልትላመድ ኢቀድር።

ጀሚ ኬንያታ፡ እብ ክሱስ ምጽአት እስትዕማር እት አፍሪቀ እተ ሀበዩ ሸፊሕ ዋዴሕ፡ እት ታሪክ ልትዳገም። “ሚሰዮናያም እሰልፍ ዲብ መጽኡን ሕነ ምድር እንመልክ ዐልን፡ ህቶም ክታብ ቅዱድ ዐለ እሎም። ዕንታትነ እንዴ ደብእነ ክም ንትደዴ አድረሰው። ዕንታትነ ዶል ከስትነ ላኪን፡ ህቶም ለምድርን እንዴ ጸብጠው፡ ሕነ ህዩ ክታብ ቅዱስ እንዴ ጸበዋነ ተረፍኩ።”

እለ ህግዩ፡ መስተዕምረት አርብ፡ አርዛቅ አፍሪቀ እግል ልጅሐጦ እተ ተዐንደቀው እቱ ወክድ፡ እስትዕማርም እግል ልምደይ ወዐዝ ደያነት ሰኒ ክም ትነፈዐው እቡ እግል ትወዴሕ ለትበሀለት ቱ። ሐቆ አስሐባብለ እስትዕማርም'መ ምን ገብኦ፡ ለዘማቱ እግል ለአድምና፡ እምኖታት ሐዲስ እት ፈርኮ ለናይ አሰል ደያናት ወዓዳት ገባይል ፍሒቅ እብ ስታት ሸቀው ዲቡ። ሰብ መስለሐት ፍንቲት ውላድ ምውዳቅ ጸሓይ፡ ዐሚም ሐዳም እግል ልድመና፡ ዓዳት ወሕሽሞታት ገባይል ኖሶም'መ ኢመሐከዉ። ዮመቱ እት ድወል ምውዳቅ ጸሓይ እብ ስሜት ሐቅ ብሕቶት፡ ሓረሾት ህዳይ ተብዐት- ውተበዐት፡ አው አንሱ-ውአንሱ ሐዩ እንዴ ትምሐት፡ ውሕደት ጸዋታት እንዴ ሀገት፡ ቅያስ ወሊድ ድወል ብዘሕ እት ምንተሐት 1% ክሩይ ሀሌ።

እለ ተጠውር እት መስል ለመጽአ ሀገግ ዓዳት፡ አክለ ሀነ ፈርሀት እግል ልክለቅ ላዝም ቱ። ድወል ምውዳቅ ጸሓይ ዓዳቱ እንዴ አብደ፡ ለብዕድ ገባይል ዐለም ዓዳቱ ሐጅብ ምን ገብኦ፡ ለጸንሐ ዐሚም እግል ለአክትም ሌጠ እንዴ ኢገብኦ፡ እብ ዐቢሁ ለሀለዮቱ እት ብቅት ቱ። ሰበቡ፡ እዲነ ክል ዶል ናይ ሰብ ውሕደት ወዓዳቶም ለሐፍዘው ቱ። እብሊ ቱ ህዩ፡ “ሐቱ ንግበእ” እበ ለአሰሚዕ ቃነ በቲክ ሰእየት፡ እብ ስታር ሕቁቅ አደሚ ለናይ አሰል ዓዳት ወደያናት ብዕድ ገባይል እግል ምሕየት፡ እብ ነብረ ራድኢት ወመኔዕ ማል አትፋርሆት እት ገብኦ፡ ድወል ለኢዓዳቱ እግል ልልአም ጨቅሞ ትሩድ ገብኦ ለሀሌ።

እትሊ መስል ተየልል፡ ዐቂብ ዓዳት ወጅንሰዮት ተሐዲ ድቁብ ቱ። ሰበቡ፡ መጅተመዕ እብ እቅትሳድ ዋውር እት እንቱ፡ ዓዳቱ ወጅንሰዮቱ ሐቆ አብደ፡ እግል በዳሁ ቱ። እለ ሐቂቀት እለ እንዴ ፈሀመው ግድም፡ ኩሉ ሸዐብ ዐለም፡ ወእብ ፍንቲት ሸባብ፡ ለእብ ስሜት ሕቁቅ አደሚ ውበዕድ እዝን ለትረድዩ ቃላት፡ ዱቅሪ ልግበእ ወእብ ለልትደፍዮ አዝናብ ለልትነሸር ደዓያት እግል ልትሓፈዝ ምን፡ ሕፍዘት ዓዳት አሰል፡ ደያናት ወሕሽሞታት ህዩ እንትባህ ዛይድ እግል ልሆቡ ዋጅብ ቱ።

ልጅነት ቅስም ጀሪደት

1^ይ ክፈል


ምን ፈረሮ

እኛ መዓይር

ሰኒን እብ ሐቲ ክልኤ ሄራሩ እንዴ ኢልኣትካርም እት ትሉሉይ ሄራሩ አሰር አድሕድ ታክብቲ ለዐለ። ወቅት እዋን ሰዱድ ወመክሩህ ክምሰል ዐሎ፡ አጫብሰ መሸሀዲቱ ተአሸር ዐለት። እተ ወክድ ለሀይ ዓላብ ሰኒን ክም እኒ ልትቀረእ ዐለ፡ እት ደንጎበ ሰነት 1960 ቱ ለአሸር ለዐለ። ለወክድ ለሀይ ወክድ ሰኒ መክሩህ ወንቱል ክምሰል ዐላመ እት ገጽ ለገብኣ ኤረትርያይ መዋጥን እት ወጅሀት ቱ ልትቀረእ ወልትፊሀል እቱ ለዐለ ሰዱድ ወቅት እት እንቱ ልትፈሀመክ።

እትለ ሰነት ለሀ ዐድነ ኤረትርያ “ሸዐበ እት ወጠንየቱ ልግበእ ወትክዊን እጅትማዕየቱ ምነ ደንክበት እተ ትሰደደት እት ትሄርር እቡ እት ገራቢት ጨባብ ትሐንዩ ዐለት። እት ጅንሰየቱ ልግበእ ወሕደቱ ሰፋዩት ወረዋገት፡ ሰላመት ትግበእ ወአማነት እንዴ ትፈንቴቱ፡ ምን በጢር ወሸኒን እት አድኖናይ ወመመትሐምራግ ወደኒን ተ ለትዋልዩ ለዐለት። ዐጅብ! አቤ! ክም እነ ለእለ እብል ለህሌቱ ተ ለትሄርር ለዐለት። ደሐን ሰከቢት ወመንበር አማን ዐደን እንዴ አፌመያሁ ከክምሰለ ኢለአምራሁ ምን ቅብላትመ ደሃየን ወርየን ሓግል እት እንቱ እግለን እት ለአትቃምት ክልኤ ዕንቱ ምን አኖካይ ሰካብ ላሊ ወቀመት አደሐ ትሐረመያሁ። አይወ! ከሚ!?

ለመሳልም ገቢል ኖሱመ ሚ እግል ልዴ!?



በደል ዐስተር እብ ከረም ወአውል እብ በርቅ ወሀዳይድ ትጀምጅም ተአከርም ወትልሐቱ ዐለት፡ አርደት ምን ክል ብቅል እብ አስዕር አይበድ ወረማዲ ሀወል ሀንን ትብል ለዐለት እበረአየቱ ወሰምዐቱ ለኢትትረዴ ወኢትትፈቱ አክራን መክሩህ ወረአየት እቢት እብ ክርን መድፊዕ ወረአየት ዕሳስ ወጸነ ባሩድ ወፍረይ ጅሌልት ወሸራራት እቡ ትከለበት ወትበደለት።

ኤረትርያ ዐድነ ምነ ሰነት 1890 ለጌዳን ሕዱደ ጅቅራፊ እት አርድ ትሸርቀቀ ክምሰል ገቢል እብ ወጠኒያይ ሽዑር ወኤረትርያይ ሀይክል እብ ተክዊን እጅትማዲየቱ አነት እት ካርተት ዓለም ጸብዋ ጸንሐ። ነቲጀት ናይ እለ ተክዊን አሊ ህዩ፡ እት አርበኛታት አሕዛብ ሲያሰየት እንዴ መጽአት ከእብ ክሱሰ እለ ለእግሉ እንቤ አትፋዝያት እት ምድን ወብሩር ሰበት ገብኣ እግሉ እብ ዝያድ ምን ወቅት እት ወቅት እት ወጠንየቱ ወእት ወጅንሰየቱ እትለሓፍዝ ወልተረድ ልትርኤ



ዐለ። አቤ! ክምሰል ሚልካይ ሰያደት ወወጠን ጌዳን ሕዱድ በር ወበሐር ወዐስተር ገብኣ! ክምሰል በዐል እራደትመ መንዴረቱ እት ሰመ ዐዱ አተንበል በለ። መካትብ ደውለት ለዐል እት ከበሰ እት አስመረ ወመንደፊረ ወተሐት እት ሰምሀር ወበርከ ባባቱ እግል ሕክም ወፍርድ ፈትሐ። ገቢል አምሩ ወፍክሩ ምን አምዕል እት አምዕል እብ ክል ዕጹፍ ወሰከ። ክሉ ህዩ ምን ሪም አሕድ አሕድ ቀርቡ።

ምን ቅዌት እብ አትፋዝያት እብ ዝያደት ጠቅዑ። ሐቲ ሀውየት፡ ዎሮት ወጠን ክምሰል ቱመ ሸክ ኢወደ! አቡነ በርሄ እት ዛል አንበሰ ሐቆ ልቡ ሐመ፡ አቡነ ሓምዴ እብ መጸጸቱ እት ቅርረ ላሊ ረያም እንዴ ኢሰክበ እብ አለሙ ትርሀ! እምነ ፋጥን እት ሕዱድ ደንቡብየት እግረ ክምሰል ትሐከረ፡ እምነ አብርሀት እት ምዋፈእ ዋልተ ምን እዴህ መመንቀሺት ሕንኩሽ መጤተ። ዎሮት ገርብ ምስል ቀንጸ ወትገሰ። እብ ሐቲ ሸንበኣት ምስል አተንፈሰ። እብ ዎሮት ሐንገል እግል እኪት ወሰኔት እት ኤታን ዮም ወማሌ ሐቲ ሐሰበ ወፍክሩ አውሰዐ! ዎሮት እብ ከአሩ ሐቆ ሰክበ ላመ ካልእ እብ ለውቀት ኢትደርሐ። ምስል ሀበ ወነሰኣ! አምሐበረ ወእጩንበ። እት ከደን ትፈረረ ወእት ሸፍር ተአከበ። ተዩልል ሐያት እት ሰድት ወረሀየት ክምሰል ዕን ወፊክባይ ምን አድሕድ ኢትፈንተ።

ሸዐብን እት ክምሰል እለ



ዋይድባቱ ወከይናቱ ምን መዐደይ ሕዱድ ወአብሐር እት ሸፍር ላጼሕ ገቢል አስተውረደ። ገሌመ ምን ቅሩብ እግል አብደዮቱ እብ ሰደይት ካርጅ ትሰኣለ ወትሐሰበ። እዲነ እብ ግዲደ እብ ካልኣይ ሐርብ እዲነ እትትመሀጽ ዐጄ ኤረትሪየ እት ወቅት ሰኒ መክሩህ ሐብል ሰማድ ወሊደ ሰቅለት ወመሐጸ ትሳደደ!። ዐጅብ! ንኡሽ ምንዲ በክ ዐቢ ለአውሀትቡ ኢረክበ! መርዓት ምን አክራር መጦር ሐማህ ሕቅፈ በርሰሰ! ዳር ክለ ሓለቱ እንዴ ትሸከፈት ክእት አድሕድ አደርወጠት!! ለጌስ ይአቅበለ፡ ወለ ተርፈ ኢጸንሐ። ሐሰት እት ረኣሰ አማን እንዴ ትሸየመት አማን ለትሃገ ምን መሐበር ትሰቀቀ። ወበዐል ሐሰት እብ ልእግለ ቤለ ወወደ እት ረኣሰ ሓይሳም ትሸየመ ወትሰመ! አዳም እት ሰጅን ንክረ ወአድሰ አበበ አክባረ ትጠየን! እግል ኢለአቅርብ ወኢለአሪም እት ከሌብ ከይነት ወአሰር እምበል ምፍጋር መንገኣት እብ ክል አርካት ትዳብእ! በኪት እተ ወክድ ለሀይ እንዴ ሞተ ከዕዳይ ሞላሁ ፈደ። በዐል አከይ ብሶት እተ ሰኒን ለሀይ ዎሮት ትወለደ ወካልአየ እት ርሕም ትሐነን! ቍሪት ማየ ሰረ ነሸፈት ወሰረ ምን ዒን ዒማተ ትሐምረገት!

አቤ! (“ኢሰምዑወ ሰምዑ፡ እዝን ትሕጨር ምን እለ! ሸየም ውላድ ኤረትርያ ከፎ አምሐረ አሰክ አብያት ሐብስ ትዋልየ”) ለቤለየ እቱ እማት ኤረትርያ ዐጄ እዋን ቱ ለዐለ። እተ እዋን ለሀይ ዐድነ ኤረትርያ ምስል እተ ወቅት ለሀይ ረኣሰን እንዴ ረፍዐየ እት ትጠወር ዓለም ሐቲ ክልኤ ምስዳራት እንዴ ሐልፈት እት ድውል አፍሪቀ እት ገራቢት ሰኒ ቅድምት ባጽሐት እቱ ለዐለት እዋን ቱ። ምስተዕመርያይተ ኢጣልየ እግል ገቢል ኤረትርያ እንዴ ኢትሐሰብ እግል መሰለሐት አርወሐተ ትጠውር ገርብ እት ሕንብረ ዐድነ ኤረትርያ እምጽእቱ ተ ለዐለት። መሳንዕ ነኣደሽ ወዐባዩ፡ ተለፍሪክ ሚናት፡ መከረዩ ዋያራት፡ መሐበራት ዕያዳት አግቡይ ባቡራት ሰፍለተት ጽርግያታት፡ አብያት ፍርድ አብያት አርትዖት አፍካር ወአደብ፡ ፖሊስ እዳራት ዐድ፡ ቅዳት ወዕጋል ዐድ፡ አልምህም

ለገብኣት ምስዳራት ትጠውር ለዐለ እቱ ውክድ ቱ።

ክምሰል ደገመ እዲነ እብ ኣነ እመርሕ ወሕሳል ዋለዮት እዲነ እግልዬ መጡው እብ ዛህር ወሕዐዕ እት ዳሪኮት አድሕድ ተ ጋብኣት ዐለት። እለ ዳሪኮት እለ ክምሰል በዝሐ ፈገሪቱ ካልኣይ ሐርብ እዲነ ወልደ። መትወላድ ሐርብመ መትወላድ ሰላም ሰበት ኢኮን ገሌ ፈን፡ ወሰር አፍነ ወፈነ! ዓለምነ ሓይሰ ወሐምቀ ቀበሊት እግል ሰላም ትሰፍለለ! ሰብክ ኢኮን ወሰግም ምን ሞት ለደሐን ለትርፈ እብ ደረቡ አምሆለለ! እዲነ ሕብረ ትጨበለ ወሸማለ ትምክረሀ። ለትሰክብ ኢትረኣ ወለ እብ ሸግሊለት ለአከርር። ክሉ ቀሰ ወአተቅሰ! ዐውል ሰላም ቃሊ ክምሰልቱ ለእተ ወክድ ለሀይ ካልኣይ ሐርብ እዲነ እብ ክልኤ ዕንቱ ለረኣ ሸሃደት አማኑ ሀቤ። ምን እለ ምራድ እለ እንዴ ትበገሰ ህዩ፡ እዲነ እብ ግዲደ እት ሐቲ እንዴ ተዐገለት እግል ምጅልሰ ቅራን እት ሰነት 1945 እግል ሰላም ከወነት።

ገቢልናመ ምን ሸማለ ብሩድ ሞዳዩ እት እሳት ውላድ ጋነ ትለብለበ! ሰር ትርብሊ ሳፈረ ክእት መዐደይ ሕዱዱ እት ሰሐረ ሊብያ ትቃበረ። ወሰርመ እት ቀበት ዐድ እብ ኢረኪብ ሸቅል አንጎጋይ ከርዐ፡ ሰር እብ ዐግለት ሸቅል ምስል ዓፍዮቱ እብ ከአሩ ትመዩ። ሸእ ቀራብቱ ሰርመ እዴሁ እግል ጸሩ እንዴ መጡ፡ ምን ዐግሎ ውላድ እሙ ትፈንተ። መናበረት በኣሰ ምስል ሐዉ እግል ዲመ አልዳይም ተአትናብሩ መሰለት እቱ መሰለኒ ኬድማይ ጸሩ እንዴ ገብኣ ክእት ውላድ ዎሮት ሞዳይ ጅረድ ከይነት እግል ልሰሐል አስተብደ። ክምሰል በዐል ድመል እብ ድሀር ሐሸኻሸክ ወእብ ውቁል እብ ሰሚት አንድነት እግል ሞት ወቀቲል ውላድ እሙ በርጅ መዐየን በረጃ!! ሕፍን ወሸልገት ሩዝ ሲርቀት ውላድ ጋነ ሐቲ አምዕል የአምዐለት እት ምቀደምለ ትርድት ሰያደት ወለ ቍሪት እራደት፡ አቤ!!! ክምሰሉሁተ እለ ቃልየት ወጠን ለዐውለ ደም አላፍ ሸውሀደ ለምን እንግሥም ወደሞም ትጽብሐት ወትደረረት።

ትተላሌ.....

ድጌ ቅርረ ማኬ ወዮም

2^ይ ክፈል

እተ ለሐልፈ ወክድ ሱሕፍይን ጀራይድ ኤረትርዮ አሰክ ምዴርየት ቅርረ ጀውለት ዋድያም ዐለው። ዲበ ጀውለቶም ሆይ እብ ሰበት ዳሕየት ቅርረ ምስል መሰኡል እዳረት ዳሕየት ቅርረ አሰይድ እድሪስ ሰዒድ ዕመሪት ወሴድያይ ነርስ መሐመድ ዐሊ መሐመድ ፍጉራይ ከምስልሁመ እስታዝ እብራሂም መሐመድ ዐሊ እት መድረሰት መአንብታይት ደረጀት ቅርረ ክም ሙዲር ሸቄ ህለ። እብ ሰበት ድጌ ቅርረ ወክደማት እጅትማዕየት ሃድጋም ዐለው። ታምም ጽበዋ እንዴ አትሌን እንቀድሞ እግልኩም ቅራኣት በኪተት።

ሰኣል፡- ምን መቅደረትኩም ወለዓል ለገብኦ ሕማም አሰክ እየ ትወጃሁ?

በሊሱ፡- ምስል ሕዱድ ሀለዮትን ወአሰክ ለዐበ ዕያዳት ናይ ኤረትርዮ እግል ትልእክ ለልትቀደር ምንመ ቱ ክም ለመድ ሸዑብ እለ መንጠቀት ትሩድ ሕማም ሳይፈዩ ምንገብኦ ለበዝሐ አሰክ ሱዳን



እስታዝ እብራሂም መሐመድ

ገይሰ ወሐድ ሕን ለእንወጅሁ አሰክ መሀሚመ እንነድኡ ወምኑ ወኪን ገብኦ ምንገብኦ ሆይ አሰክ ለዐበ ዕያዳት ለሐልፍ።

ሰኣል፡- መሰኡል እዳረት ዳሕየት ቅርረ አሰይድ እድሪስ ሰዒድ ዕመሪት እለ መንጠቀትኩም ዕጩ ሲሰጣት ህለ ዲበ ክእብ ጀሀትኩም እብ ሰበትቱ ሚ ወዱ ህሌኩም?

በሊሱ፡- እሊ ሲሰማን እኩይ ብዲቡ ወሰኔት ብዲቡ ክልእቱ ህለ ዲቡ። በዲር ሆይ ሕን ማይ ለእነሸፍ ምኒን ወምስሉ ሰዐር ኢለበቅል ውበዕድ እምብል ዐልኑ። አዜ ሆይ ለሴሰጣንቱ ኖሱ እቡ ጸንሓመ ለህለኔ እለ መርሐለት እለ። ሲሰጣን አለብን እለ መንጠቀትን

ሳሕራተ፡ አዜ ሕን ኖሰን ሲሰጣን እግል ንሸተልቱ። አካናት ሁቱ ለኢህለ እቱ ክም ለህሌ እቱ እግል ኒዴቱ። ሕን አብያት እንሸቄ ምኑ፡ አመት ህሌት ፈሐም ሸቄ ምኑ ወንዋይ በልዑ ህለ መንፈዓት የም አለበ ህሌት እቱ። ለሐጃሩ ናዩ ብሮቲኑ ሰኒ ትሩድ ሰበቱ ላኪን እግል ንዋይ ለዓቅሉ እንዲኪን እቡ ነብር ህለ። ሰበት እሊ አዜ ሕን ሲሰጣን አብደዮት ምን መሰለሐትን ኢኮን እግልሚ እሊ ሰሕረ አርድን አክደር ዋዲ እግልን ለህለ ሁቱ ቱ።

ሰኣል፡- ዕላቀት እሊ ሸዑብ ምስል በሐር ክእፎተ መትኖዶቱ ምን አክያራት በሐር ሆይ ክእፎ ህሌ?

በሊሱ፡- በሐር ህሌት እግልን ክም ለመድ ላኪን ሸዑብን ምንዩ እንዴ አሰብዴክ ዲብ አሸቃላት በሐር እንዴ ትፈረረ ምን አክያራት በሐር እግል ልትነፋዕ ለልትበገስ ኢህለ እግልኑ። እግልሚ ለለመድ ኢጸንሐኒ ወሸዑብ በሐር እግል ልልመድ ለገብኦ ሸቅልመ ኢህላኒ ሰበት እሊ ለአክያራት ክም መሰል ሰገ ዓሰ አምራሙ እንዴ ህሌን በሐር እንዴ ግሰን ንትነፋዕ ምኑ ኢህሌን። ምን ዐዳገ መሀሚመ ወቅርረ ሱዳን ላኪን ገሌ ገሌ ለአምጽእወ ውልትነፍዑ ምኑ ትርኢ። ሰበት እሊ እሊ ከይራት እሊ ምኑ እግል ልትነፋዕ እሊ ሸዑብ እሊ ፈሃም ወደርሰ ለትሐዝዩ ህሌ።

ሰኣል፡- እሊ መሓዝ እሊ ምስል ለከሰሰ ጀሀት እንዴ ገብኦኩም ዲበ ለልትከራዕ እተ አካን እንዴ ከርዐኩም ዲብ መሰለሐኩም እግል ተውዑሉ ሓሰጣም እቱም?

በሊሱ፡- እሊ በዐል መቅደረትቱ ለልአምሩ። ቀደም እለ እግል ልድሮሱ ማጸምን ዐለው ከአሰክ ለዐል ቶርናሁ ለልትከራዕ እተ አካን እግል ንፈትሸ። ምናተ ብዙሕ አካን ኢትርከበት እግሉ እምበልሁ እለ መንጠቀትን ለቱርበት ከፋፍ ሰበትተ ወእብ ውልዋል ለትትገሌ እብ ግብኣተ እሊ መሓዝ እሊ ምንለዐል እንዴ ከርዐክ እግል ትትነፋዕ ምኑ ለኢልትቀደርቱ። ለሐል እሊ መሓዝ እሊ እንዴ

ከደምክ እግሉ ክም ለሐልፍ ውድዮቱ ሌጣቱ። እግልሚ ዲብ ለዐል እንዴ ከርዐክሁ አሰክ እለ ወጀህክሁ ምንገብኦ መ መደረቱ ምን እለ ናይ እዜ ለህሌት ወለዐል እግል ትትኪለም ትቀድር።

እት አክር እብለ መናሰበት ለህለ መሻክልን እግል ትርአው እብ ምጽትኩም እት አሐምድ ናይ ምግባይ ደረጀት ሙደርሲን መሻክል ብዙሕ ሳድፈን ሰበት ህለ ሐል እግል ልግበእ እግልኑ። ክምስልሁመ ናይ እለ መድረሰት ብን ዚንጉ ውበዕዱ ዝላም መጽት ምንገብኦ እግል ልትሐመል ሰበት ኢቀድር ሐል እግል ልግበእ እግልን እትፋኔ።

እስታዝ እብራሂም መሐመድ ዐሊ እት መድረሰት መአንብታይት



ደረጀት ቅርረ ክም ሙዲር ሸቄ ህለ። እሊ ተሌ ተውዴሕ እብ ሰበት ተዕሊም ዲብ ዳሕየት ቅርረ ሆይ ሃይብን ህለ።

ሰኣል፡- እለ መድረሰት እለ ምዶል ተአሰሰት?

በሊሱ፡- እለ መድረሰት እለ ዲብ ሰነት 1999 ተአሰሰት። ተአነብት እት ህሌት እብ ዳሳት አሰብዴት ሐቆህ ሆይ ዲብ ሰነት 2004 እብ ሕኩመት እንዴ ትበኔት እለ ደረጀት በጽሐት ህሌት። አነ ሆይ ዎሮ ምን ዲበ ለደርሰው ወአዜ ክም ሙዲር ናየ

በጽሕ ለህሌት መድረሰት።

ሰኣል፡- አክል እየ ደረሰ ክም ክምት ህሌት አሰክ ከም ፈሰል ሆይ ተአደርሰ?

በሊሱ፡- አወል ክመ ክልን ነአምረ እለ መድረሰት እለ ምን 1ይ አሰክ 8ይ ፈሰልተ ተአደርሰ ለህሌት። ብዝሐ ደረሳህ ሆይ 215 ደረሳይቶም። ምኖም ለ96 አዋልድ አንሳተን። እሊ ሆይ ቅሩብ ዲብ ሰር ለበጽሕቱ። ለህለ መሻክልን ምን እንርኢ ላኪን ዲብ ምግባይት ደረጀት ዶል በጽሓቱ። እግልሚ ምን ሳምናይ ወለዐል አሰክ ነቅፈ ግያሰ ሰበት ገንሐን ምን ቀዳመን ዲብ ሳምናይ እንዴ ኢበጽሐ ክም ለአትካርመ ወድወን ወለአበጡረን እምብልሁ ናይ ህዳይ መሻክልመ ሰበት መጽእን



አሰይድ እድሪስ ሰዒድ ዕመሪት

ምንገብኦ ላኪን ካፍያም ኢሕን ሙደርሲን እግል ልትወሰኩን ክልዶል እንጠልብ ህሌ።

ሰኣል፡- እትለ መድረሰት እምበል ናይ አካደሚ ተዕሊም ነሻጣት ብዕድ እብሚ ነሻጣት ትቀንጽ?

በሊሱ፡- ህለ ክም ሸቲል ዕጩይ፡ ነሻጣት በህሊ ናይ ቀይሒት ዕንባባ ውበዕድ ነሻጣት ነአትጋይሱ። እትናይ ሸቲል ዕጩይ ሆይ





መጅልስ አምን ወለዛልም ቀራራቱ ድድ ኤረትሮየ

እብ ዶ/ር አሕመድ ሐሰን ድሕሊ

16^ይ ክፈል

11- ሚክሲኮ
ሚክሲኮ እብ ገበይ ሳብት ወኪል ዲብ መንዘመት ምጅልስ ቅራን ሰፊር ክሉድ ሂለር እንዴ ወዲት፡ እግል ቀራር ምጅልስ አምን ዕልብ 1907 አየደት። ሰፊር ሚክሲኮ ተጽዕኖ እግል ለሀብ ለደረከዩ ሰቡብ ሽፊሕ ዲብ ህሉ፡

1. “ሚክሲኮ ክምሰል ርኢሲት ልጅነት ምንመ ዐለት፡ ንዛም መኔዕ እግል ሐሰ አምን ሶማል፡ ውጡይ ቴለል ክምሰል ክልቅ ደማን ቡ።”

2. “ዲብሊ መንጠቀት መስከብት እግል ትትኣከድ ለትፈናተው ጀሃት እብ እህትማም እግል ልሻርኩ፡ መኔዕ ክምሰል አግቡይ ሐል ምህምቱ።”

እሊ መባጥር ሚክሲኮ፡ ኖስኖሱ ሕድ ለፊዴሕ ምን ሐቂቀት ለፊመ መባጥር ቱ።

ቀዳማይ፡ እምበል አግቡይ እብ አዝናብ እት ረኣሰ ኤረትሮየ ቀራር መኔዕ ሓለፎት፡ እግል አምን ውሓለት ሶማል እግል ለአሰኔ ቀድር ገብእ? እት ረኣሰ ሶማል ሌጠ እንዴ ኢጉበእ እት ረኣሰ ኤረትሮየ ህዩ ወሰክ ዝልም ጀረ ምንገብእ፡ አምን ሶማል ወኤረትሮየ እቡ እንዴ ወደ አምን ቀር አፍሪቀ እግል ለሐምርግ ኢቀድር ገብእ? እብ ቃብላ ናትላ ሰፊር ሚክሲኮ ለቤለዩ፡ እብ ናይ መንጠቀት ጀሃት እብ ፍንቱይ ህዩ እብ ናይላ ወክድ ለህይ ሕክመት አቶብዩ ወእዳረት አሜሪካ ጀሬ ለዐሉ፡ እግል ድወል እብ ሐሰት እንዴ አትኣፈኣክ እብ ደሚር ተርጀመት ለአለቡ ፋሽል ላቱ ኢቃኑናይ ቀራር ሓለፎት እግል ሰብብ መሻክል ሶማል እንዴ አሌሌክ ይኣስከቡት እግል ሐርብ ኖስኖሱ ሶማል ለምበ ወሰኑት፡ እግል መናቢት ሐርብ እንዴ ሰለሐክ ወደረብክ እኩይ መዋዲት እንዴ ኢትፈርግ እግል ተኣብጥር እብ ሐጠር እንዴ ኢትሸቁ፡ መሻክል ሶማል እግል ልትራየም ወልትመክረህ ዲኢኮን ሐል እግል ልርኩብ ለልትቀደር ክምሰል ይዐለ ወኪል ሚክሲኮ ሰኒ ወአማን ለለአምሩቱ።

ካልኣይ፡ “ኢቃኑናይ መኔዕ መስከብት መንጠቀት ለአክድ” እንዴ ትቤ መትሃጋይ እግል ኖሱ፡ ቃብል እት አሰሩ ወምን ሐቂቀት ለፊመ በህል ቱ። ዛልም መኔዕ ሓለፎት፡ ሀደፉ አሰልፍ አምን ድወል ሐምረጎት ቱ። ግራሁ ህዩ ክምሰል ፋሽላት ድወል እንዴ ዐላብክ “ መኔዕ ወሳትር ሐረካት እርሃብቱ” እንዴ ትቤ እብ ሸኪ፡ ዱቅሪ ልግበእ ወእብ ወለት ገበይ አረይ ወዲቱ። አረይ

ናይላ እኩይ ብሰር እሊ ለጉብአየ ድወል ዲብ ቀደም ዕንታትነ ክስመል መሰል ለልትህደግ እብን ድወል ክምሰል ከረ ዕራቅ፡ አፍጋኒስታን፡ ሶማል ህለዩ። እግል ሓድር አፍካር ምን ለዐል አሰክ ተሐት ለትቀይር ታሪኽ ሐዲስ ለኢመጽኦ ለኢመሰለ ናይላ ወክድ ለህይ እዳረት አሜሪካ ህዩ፡ እምበል አሰልፍ ለሸርሐናሁ ጀንራል ዊስሊ ክላርክ ለፊደሐዩ፡ ናይ ብዕዳይ ድወል አሰማይመ ዐለ እቱ። ሊብዩ ወሰርየ ህዩ ናይላ አጃንደት ገብአየ። ለጉብአ ልግበእ ላኪን፡ ቴለል ክምሰል ህለዩ እግል ልንበር ኢቀድር። ሰበቡ እግል ክሉ ቅወት ሚዛን ወአፍካር ምን አሳሱ ለበድል፡ አነቱ ኢተአመፍረት ወሐዲስ ምህታት ለልትበገስ ምኑ ታሪካይት ሀቂቀት ሰበት ህሉት።

12- ትርክ
ዳይም ወኪል ትርክ ዲብ



መንዘመት ምጅልስ ቅራን ሰፊር ኢርትግል አባካን እግል ቀራር ምጅልስ አምን ዕልብ 1907 አየደ። እሊ ለተሌ ጸበጠ ለዐለ እግሉ መባጥር ደውለቱ ለወዴሕ ሽፊሕ ሐጨር ህዩ አፍገረ።

1. “ትርክ እብ መብደኢ፡ አከይ መቅርሕ እብ ገበይ ዲብሎማሰዩት ወተሐይስ ተሐምቅ እግል ልስከብ ክምሰል ቡተ ለአተምን።”

2. “እሊ ናይ ዮም ቀራር ለፍንጌ ወለህ ወለህ ለህለ መሻክል መንጠቀት ቀር አፍሪቀ እግል አርህዮት በክት ሰኒ ሰበት ገብኢ፡ ክሎም ለከሰሰን ጀሃት እግል ልትነፈዶ እቡ ሰእየት ብዩ።”

በሊስ እግል ሽፊሕ ወኪል ትርክ፡

ቀዳማይ፡ ኤረትሮየ አከይ መቅርሕ እብ ዲብሎማሰዩት

ወህድግ እግል ልትፈተሕ ለልብል መብደኢ እብ ፍዕል ወቅል ተኣተምመ። ዲብ ቀር አፍሪቀ ግብላት ግንራራብ በሐር ቀየሕ፡ እብ ፍንቱይ ህዩ ዲብ ሶማል፡ አቶብዩ፡ ጅቡቲ፡ ሱዳን ወየመን ለትረኣ መሻክል እግል አርህዮት ለነስኦተ ዲብሎማሰዩይ በዳሪታት ወሰደሰዶይ ዶር ህዩ ሰመዕ በሲር ቱ።

ካልኣይ፡ ለዲብ ሐቂቀት ለተንክበ ቀራር ዕልብ 1907፡ ዲብ ረኣሰ ኤረትሮየ ኢዳድል ወዛልም መኔዕ እግል ሓለፎት ለዐለ ንዩት ወዐሽም ናይላ ዲብ ወቀት ለህይ ለዐለት እዳረት አሜሪካ ለቀሰበዩቱ ለዐሉ። እሊ ህዩ እብ ለጉብአ ልግበእ ሸክል መሻክል ቀር አፍሪቀ ዲብ አርህዮት ዶር እግል ለህሌ እሉ ልቀድር ይዐለ። ዝያደት እብ ቃብል እሊ ለቴለል ለለሐባልክ ወለሰድድ ቱ ለዐለ። ሰፊር ትርክ ዲብ መንዘመት ምጅልስ ቅራን ህዩ እግል እሊ ሐቂቀት እሊ ኢለአምረ እግል ኒበል ይእንቀድር፡ መባጥር

እግል ለጀመለ ትትላኬ።”

2. “እብ ናይ ሕዱድ ኻላፍ ለትከለቀ ደግሽ እብ ገበይ ሰላም እግል ልስከብ ቡ። እድንያይ ቃኑን ወሚሳቅ መንዘመት ምጅልስ ቅራን እግል ልትሐሸም ቡ።”

3. “እድንያይ መጅተመዕ ዲብ ወራታት እንሳንዩት ለኢለትሐዜ ኢፋሉታይ ተእሲር እግል ኢልሰብብ እግል ሽዐብ ኤረትሮየ ምን አፍ ዲብ እዴ ነብረ እግል ኢልክለኢ፡ ወሰክ መኔዕ ምን ሓለፎት እግል ልደገግ ቡ።”

በሊስ እግል መባጥር ሼትናም፡

ቀዳማይ፡ ሼትናም እግል ኢዳድል ወኢቃኑናይ ቀራር መኔዕ ዲብ ተኣይድ እብ እሱወ ገበይ ወሐቂቀትተ እግል አረይ ዛልም ቀራር ጋብኣት ለዐለት ኤረትሮየ ለትወቀለት ደረጀት አርሐተ እግል ትራቅብ ለጠልበት ምን? ኤረትሮየ ለወኪል

ፍንቱቶም ኖሶም እግል ለአርሁ በክት ምን ልትህዩም ዐሉ፡ ክምሰልሁመ ለሊብዩ መኡትመር ሚርሐት እተሓድ አፍሪቀ፡ ቀድየት አፍሪቀ እግል ልፍተሕ በክት እግል ልትህዩቡ ለአቅረበዩ ጠለብ ትከበተዉ ምንገብኢ፡ መሻክል እግል ሃደኣት ዶር ዐቢ ወሀለ እግሉ። ምናተ ድድ እሊ ዲብ ሸቁ ድድ እሊ ጠሊም፡ ረኣይ ቃብር እት አሰሩ ቱ።

ሳልሳይ፡ ኤረትሮየ ክሉ አከይ መቅርሕ እግል ሀወኖት ናይ ሰላም ወዲብሎማሰዩት አግቡይ ክምሰል ትተበዕ እድንያይ ቃኑን ሚሳቅ መንዘነት ምጅልስ ቅራን ክምሰል ተሐሸም፡ ወኪል ሼትናም እብ ዲብ መንዘመት ምጅልስ ቅራን ለቡተ ኣካን ለአምር። እግል መሰል ኤረትሮየ እግል ምሰል የመን፡ እብ ሰበት ጀዛይር ዝቁር ሐኒሽ ለዐለ እሊ ኻላፍ እብ ገበይ እድንያይ ቀራር ተ ለአስከበተ። ኤረትሮየ እብ ቀራር መትሓኽም ህዩ እብ ደረጀት መንጠቀት ወቃረት ሕሽመት ሀበዩ። ክምሰልሁመ ኤረትሮየ እት ሰነት 2002 ቀራር መፈወደየት አሸርት ሕዱድ ክምሰል ትከበተት ወኪል ሼትናም ለአምር። አቶብዩ ላኪን እግል ናይ ደንጎበ ወመቀይዳይ ቀራር ናይላ መፍወደየት ሕዱድ ራፍደቱ ዲብ እንተ፡ መንዘመት ምጅልስ ቅራን ወምጅልስ ቅራን ዲብ ረኣሰ መጃዝያይ ምስዳር እግል ልንሰኦ ኢቀድረው። ሰበት እሊ “ሆይ?” እንዴ ትቤ ለትትላከዩ አዳም አርወሐ ለአለቡ ሐቆመ ገብኦ ለጉብእ ሸኢ ይህለ።

ራብዓይ፡ ኤረትሮየ ለእብ መንዘመት ምጅልስ ቅራን ወምጅልስ አምን ለተአመረ ሰያደት ምድረ ምኑ እግል ኢትትመነዕ ምጅልስ አምን ሰለሕ እግል ኢትዛቤ ማንዐ ዐለ።

እብ ቃብል እሊ ህዩ ለምድር ሰያደት ኤረትሮየ ዋረት ለዐለት አቶብዩ ሰለሕ እግል ትዛቤ ትሰመሐ እግሉ። ክምሰልሁመ እግል ጸገም ሽዐብ ኤረትሮየ ገብእ ለዐለ ዓም ወናይ ዐማር እስትራተጅየት እግል ዐንቀፎት፡ እግል ኤረትሮየ ናይ መኔዕ ገብኦ እተ። ለኢዳድል ወኢቃኑናይ ቀራር ሐቆለ ሐልፈ ወኪል ሼትናም፡ ዲብ እንሳንያይ ወራታት ሽዐብ ኤረትሮየ ኢፋሉታይ ፍገራት እግል ኢልሰብብ ወሰክ መኔዕ እግል ኢሊዴ ሐዘርቱ ለለፈክር ኢኮን። ዲብ ክሉ ናይላ ወክድ ለህይ ሓድር ቴለል፡ ምጅልስ አምን እብ አሳስ ምዕራፍ ሰቦ ሚሳቅ መንዘመት ምጅልስ ቅራን ድድ ኤረትሮየ ኢፋሉታይ ዐስከርያይት ጳብኢት እግል ኢትንሰእ ሰፊር ሊሎንግ ምንገብኢ ህዩ እግል ለሐብር ዐለ እሉ። ሰፊር ሊሎንግ ላኪን ምን ወደዩ ወዐል እግል ሊዴ ለአቅድር ይዐለ።

መደብረት ዓፍዮት ምዴርየት አፍባብት

እት ሐልፈት 16ይት ጥብባት፡ ሰሐፍዩን ጀራይድ ኤረትርየ ምን ወደዉ መቃብላት ክዳማት ዓፍዮት ምዴርየት አፍባብት ሚ ክም መሰል እብ መሰሉል ክዳማት ዓፍዮት ምዴርየት አሰይድ አልአሚን እብራሂም እብ ረከብናህ ሐብሬ ለትዳለ ክቱብ ቅዱማም ዐልኑ። እትለ ጥብባት ዮም ሆይ ለምን መዲነት በረ ለሀለ ዕያዳት ለሀሀይብ ክድመት ለከሰሰ ጽበጥ እዱሉያም ሀሌኑ።

መርከዝ ዓፍዮት ቃም ጩወ ሴድያይ ኔርስ መሐመድ ሳልሕ ዑሰማን እግል መሰሉል ናይለ መርከዝ ዓፍዮት እንዴ ወከለ እብ ሀበዩ ሐብሬ ለመርከዝ ምን 1993 እንዴ አንበተ ከድም ለሀላቱ። ሐምስ እዳራት ደዋሐ በሀለት ምስል ቃም ጩወ እንዴ ሓበርክ እግል ናሮ አንሴ ናሮ ተብቦት፡ ክብክብ ወግልቡብ እት ሐንቲህ ገበአ እት ሀለዩ፡ ምን ምዴርየት እምሀሚሚ ወነቅፈ ምን

መርከዝ ለነበረ ዐመሲ አውረሐተን ክም ቀርብ ባክ ዓያደት ሰክነ በሀለት እት ንዱቅ እለን ለሀለ መጽንሐ ዐመሲ ጸነሐ። ሽዑብ እለ ጸብጠ ለሀለ ገበይ ደሐን እማት ወአጀኒት ደሚር ለተሰክብ ክምተ እንዴ አፍሀመ እግል ለተላልዩ ልትፋኔ ሴድያይ ኔርስ መሐመድ ሳልሕ ዑሰማን።

ዕያደት ፈልከት
ሴድያይ ኔርስ ጸጋይ ዮሴፍ መሰሉል ዕያደት ፈልከት



ከረ ግራት፡ ዐገት፡ አግረዕ እግል መጽኡመ ልትከበት ወዳዩ፡ እብ ዓመት ዝያድ 23 አልፍ ሽዑብ እብ መርከዝ ልትነፈሶ።

ለመርከዝ ዓፍዮት ሐቲ አምቡላንስ ብእቲ፡ እምበል አብጽሖት ሐማይም አድወዮት ተአመጽኦ፡ እግል ክታብት ትፈረር። አካን ከሸፍ፡ ሐማይም ለሰክቦ እቲ ቁረፍ ወፍንቲት አካን ውላደት እንረክብ። ክምሰልሁመ ክታብት፡ (እት መርከዝ ሌጠ እንዴ ኢጉብእ እት ሰነት አርበዕ ደርበት ፊራሮ እንዴ ዝመ ለረዩም አካናት በጼሕ ወክታብት ለሀይብ)፡ ምክር ወሐብሬ ለሀሀይቦ ሰብ ምህነት፡ መርመረ ኤች ኣይ ሺ እብ ምራድ ኖስ ውብዕድ መርመራታት ለወዴ ላቦራቶሪ፡ ትንቱን እግል ሚዛኖም ለትደሀረት አጀኒት፡ ዓም ምህሮ ዓፍዮት ክም ከረ መራዐየት አጀኒት፡ ዳፍያት ለለዐዴ ሕማማት፡ ወአብደዮት ሐናኒት . . . ልትሀየብ።

እብ ጉብእ ለሀለ አትፋዘዕ ሽዑብ እንዴ ፈሀመ ዐመሲሁ ወሐራሳቲ እት ራዐዮት ወአጀኒቲ እት ወክዱ ዲብ አክተቦት ሰኒ ሕሱር ክምቲ ሐቀለ አፍሀመ ሴድያይ ኔርስ መሐመድ ሳልሕ፡ ለምህሮ ዓፍዮት እት አንቀሶት እስትህላክ አድወዮት ምንገብእ ወአትቀባባል አሰክ ዕያደት ዶሩ ቀለል ክም ኢኮን ለአክድ። ዮም እት ቤተ ለትወልድ ኢህሌት ላመ ረዩም ምን

ወመደብረት ዓፍዮት ቅላመት ቲ። መደብረት ዓፍዮት ቅላመት ዲብ ተአነብት ምን ፈልከት ምሮ ነፈር እግል 10 ምዕል ዲብ ሸቄ ወቅያሩ ብዕድ ዲብ መጽእ አሰክ አንፋር ልትዋመም ዲብ ለአሸቀዩ ህቲቲ። “ዮም እት ደረጀት ዕያደት (Health Station) እብጽሖት ደዋሐ ሰለሰ ዐዶታት ክምኩማት ብእቲ፡ ህተን ሌጠ ዝያድ 10 አልፍ ትንፋሰ ተን። ሽዑብ እብ መባደረት ኖሱ ሰቡዕ ቤት ክም ነድቀ ዕያደት ፈልከት አዳመ እንዴ ነድአት ሸቅል አትበገሰት። ሽዑብ ሆይ መርሀዮ ዐባይ ረክቤ ምን ሕኔት አሰክ ፈልከት መጽእ ውብዕድ አካናት ረዩም ገይሰ ምንቅሩብ ትዳወ ወእማት እት ቅሩብን ወልደ ገብአዩ።

ዕያደት ፈልከት ሆይ አክልሚ ገዲመት ምን እንብል እት ሰነት 1997 ሸቅለ ለአንበተት ሐምስ ሐኪም ለብእት እግል 24 አልፍ ሽዑብ ለትከድም ዕያደት ክምተ መሰሉል ሴድያይ ኔርስ ጸጋይ ዮሴፍ ለሐብር። ህቲ ክመ ልብሉ፡ ክምእነ ናይ ኣዜ ፈሀመ ሽዑብ እት ደረጀት ውቅል ዮዐለ፡ ፊራሮ አትፋዘዕ ዓፍዮትመ ደቅብ ዮዐለ እሉ፡ ደአም ለክድመት ምን ሰልፍ አሰክ እለ ህታተ። ለአግደ፡ መራዐየት ዐመሲ፡ አውለዶት፡ መራዐየት ሐቀ ሕርሱ፡ መታበዕት ተሐት ሐምስ ሰነት

ለዕምሮም አጀኒት ወክታብት ጉብእ እት ሀለ፡ ከሸፍ ለለትቃብሎ ሐማይም ወዳወዮት ለትፈናተ ሕማማት ለኢተርፍ ሸቅልቲ። ዳይም ሕማማት ክም ከረ ሰከሪ ወደቅጥ ለሆም ሆይ ሓለቶም እንዴ ትደሌት እት ውቅል መደብረት ዓፍዮት ልትለክኩ፡ ደዋሆም ክም ተሀየበው ወቅቶም እግል ኢሉሓልፎ ልትመክሮ፡ ዶል ረፊዕ አው ከሬ ሆይ ናይ ዶሉ ራድኢት ልትሀየቦ። ምስል ወቅት አዳም እት በዝሕ ፈሀመ እት ወሰዕ አክለ ጌሰ ላመ እት መትላለጢ መጽእ ተጠውራት ወሰክ። ተላጃት ዐቢ መጽእ፡ ከሀረበት ጣቀት ጸሓይ ዐቢት፡ ክጡጥ ማይ አተ፡ መጽንሐ ዐመሲ ትበነ . . .

ለዕያደት ዲብ ተአነብት ዲብ ወሬሕ ሐቲ-ክልኤ እሲት ተአውልድ ለዐለት ዮም ዲብ ሰነት ዝያድ 300 ተአውልድ ሀሌት፡ እብ ዓመት እት ዕያደት ለወልደ እማት ሐድ 70 ምእታይት በጸሐ። ዝያድ 40 ሰነት ለዕምሮም ደቅጥ ደዋም ወቅያሰ ሰከርም እግል ልድለው መርመረ ጉብእ እሉም። እት ክል ሐን (ሞሱም) ለበዝሕ ሕማማት ክም ከረ መላርየት፡ ገነፍኦ፡ ፍጋር ወጥራሽ ሸሩ እግል ልሐድ ከፎ እግል ልትቃርሐም ክም ሶም ምህሮ ልትሀየብ። ደወ አክለ መንፈዐቲ እብ ኢገበይ ትነሰአ ምንገብእ ዴራይ ክምቲ ተዕቢኣት ልትሀየብ። እብ ህግዩ ሐሚር፡ ምህሮ ዓፍዮት ጀድወል እንዴ ፈግረ እሉ እብ ትሉሉይ ልትሀየብ አዳም። እብሊ ሆይ ሽዑብ ሐኪም ኖሱ እንዴ ጉብእ ምን ብዙሕ ሕማማት እግል ልንጃ ምን ቀድረ፡ ጸር ናይለ ዕያደት ብዙሕ አቅለለዩ። ሰፍፍ እት ልውሕድ መጽእ።

ዕያደት ፈልከት ክሉ ሸይ ዋጅድ እላቲ እግል ልትበሀል ለልትቀደር ኢኮን፡ ምሮ ምን ሰኒ ሓግዝ ለሀለ ኢረኪብ አምቡላንስ ተ። ወክልእ መሕዝቤ ኢህለዮት ማይ ጥዑም ቲ፡ ሕዳን ማይ አለቡ ላኪን መሪርቲ። “ክሉ እብ ምዕሉ

ለአለቡ እብ ደፍኢቲ ለመጽኡቲ ሆይ ወሰክ።

መደብረት ዓፍዮት ቅላመት
መሰሉል መደብረት ዓፍዮት ቅላመት ሴድያይ ኔርስ ዐብደልርሐም ዑሰማን መሕመድ እለ ዕያደት ለአንበተት እቡ እብ ጠለብ ናይ ሽዑብ እብ ምዴርየት አፍባብት እት 28-4-2020 ክም ቲ ለሐብር። ለሰብ ሆይ እትሊ አድሀይ ብዝሓት እማት እት ወልደ እብ ዝዚፍ መይተ ወዓሉቅመ ልትኣዜ ሰበት ዐላቲ። ሰልፍ ምሮ ነፈር ትዩመመ ዲብ፡ ሐቀ ሰስ ወሬሕ ሴድያይ ኔርስ ዐብደልርሐም ትወሰከ ኣዜ ሐምስ ሰብምህነት ዓፍዮት ሀለው እት። ለመገሰ ደሐን እም ወጅነ አድመኖት ዐላ፡ እሊ በሀለት መራዐየት ዐመሲ፡ አውለዶት፡ መታበዕት ግረ ወሊድ፡ ክታብት፡ መታበዕት ዐቦት ወተጠውር ምን ሐምስ ሰነት ወተሐት ለዓማሮም አጀኒት ከምክም። ለዕያደት እንዴ ኢትተክል ሽዑብ አሰክ አፍባብት፡ ፈልከት ውብዕድ አድሀይ ገይሰ ዐላ፡ ለሽዑብ ሆይ ሐድ ኢኮን አሰክ 16 አልፍ ለበጽሕ እቲ አውካድ ሀለ።

እለ ዕያደት ክም ትከፈተት እማት አርወሐተን ረክበዩ፡ ዲብ ሰነት 2020 እት ሰማን ወሬሕ 211 እሲት ወልደዩ ዲብ። እት ወክድ ሐጪር ውልደት እት ዕያደት ምን በሕ እት ሰዐ ምእታይት ትወቀሉ። ለብዝሐ ክም ትረኣ ሆይ ምን አቅሊም ለለትሐዝዩ መትሻቀዩ ክም ተላጀት ወጣቀት ጸሓይ ዐባይ ገኣት እለ። እግል አርወሕ አንግፍ ምን ምዴርየት እንዴ ትበገሰት አቅሊም አትሓየሰዩ ድኢኮን እብ ደረጀት ውዛረት ዓፍዮት እምር ሰበት ኢህሌት እብ ተርቲብ ውዛረት ሰማት ህይብት ኢህሌት፡ እት ሐንቲለ አትበገሰት ዕያደት ፈልከት ተ፡ ተቅሪረ እባቲ ለቀርብ።

እለ መደብረት ለትጠሬዕ ምኑ ኢህለዮት ጽሩይ ማይ ሲቶቲ። ለማይ እት ረኣሰ ምኑ ነዳፊቲ



ኔርስ ጸጋይ ዮሴፍ



ሴ/ኔርስ መሐመድ ዑሰማን



ዐብደልርሐም ዑሰማን

ግዴት ኢልሰእን። ምላርየትመ እብ ጉብእ ለሀለ ጅህድ ሰኒ ናቅሰት ምንመ ተሀሌ እግል ዳፍያተ ለጉብእ ነዳፊት ድዋር፡ መትነፈዕ ናሙሰያት ላለ ወአምዕል ወሰነት እብ ግዴደ፡ ክምሰልሁመ አጊድ ምን ሕማም መትዳዋይ ለከሰሰ። ሸቅል እግል ለትካርም ለአለቡቲ።

መደብረት ዓፍዮት ቅላመት እብ መባደረት ሽዑብ ሰበት ትበገሰት አሰክ እለ ለነቅሰ ምን ብዙሕ ሀለ። ሕዳን ቅረፍ ሐራሳት፡ ዐራታትመ ሽዑብ ኖሱ ለትዛበዩ ድኢኮን ናይ ሕክምነ ሸክል ለቡ ኢኮን። እምበል እለ አምቡላንስ አለቡ ምን ቃምጩወ አው አፍባብት ትመጽኦ፡ ለጠለብ እት ወክድ እግል ኢተአሰእል ለልዐንቅፈ ሆይ፡ ሸከከት ተለፋን እት ሕዱድ አካናት ትረከብ ወእሊዎ ዶል አምሱይ ኢሸቄ።

ሴድያይ ኔርስ ዐብደልርሐም እት ደንጎበ ምዴርየት አፍባብት ወአቅሊም ቅብለት በሐር ቀየሕ ለነሰአወ ናይ መንገፎ መባደረት እት ለሐምድ፡ ለእግል ዶሉ ጋብእ ለሀለ አብያት እብ ተኸጢጥ ዱሉይ እሉ ለሀለ መባይ እንዴ ተሐለፈ ለመደብረት እት ሐሰት ክድመት ክም ተጸቢሕ ዳምን ክምቲ እንዴ ሸርሐ መባደረት ሽዑብ ወሰዳይት ሕክመት ሐመደ። ለመባደረት ክሉ መሻክል እንዴ ተዐደው ሽዑብ እግል ልክደም ሐለት ክም ተሀይሶም አተበተ።

ስወር፡ አባል በረከት

እት ሐልፈ. አውካድ ቅሩብ፡ ሰሐፍዩን ቅሰም ጀራይድ እት አፍባበት ወደዋራተ፡ ወራታት ዐማር እግል ልወሰቆ ሕሩካም ዐለው። ከምስል መስኩል ፈሬዕ ተዕሊም ምዴርየት አፍባበት ኡስታዝ መሐመድ ዐሊ እድረሰ ዐሊ ለወደወ መቃበለት እለ ተሌ ተ፡ ቅራኣት በኪተት፡

ሰኣል፡ ምስል ወራታት ተዕሊም ምዴርየት አፍባበት እግል ተኣትኣምረነ?

በሊሱ፡ ተዕሊም ወራታት እትለ ምዴርየት፡ ቀደም ሕርየት ወሐቀህ ዶል እንረኤ፡ ምን 1960ታት እት አፍባበት ሐቲ መድረሰት ሌጠ ዐለት። ለልኦደርሰ ወለኦትካርመ እት ስራጀት ወናሮመ ክልኤ ብዕዳት መዳርሰ ዐለየ። ግረ ተሕሪር ህዩ፡ ተዕሊም ሰኡ አስተብደ ወአስክ እለ ሃድል ዮም እብ ኑዕየት ምን ገብእ ወዕልብ እት ወሰክ ገይሰ ሀሉ። አዜ እትለ ምዴርየት 23 ረውደት፡ 32 መአንብታይት፡ 16 ምግባይት ወሰለሰ ካልኣይት ደረጀት መዳርሰ፡ እብ ዓመት ህዩ፡ 74 መአሰሰት ተዕሊም ክሱታት ህለየ። እሊ ለንዝም ተዕሊም እት ገብእ፡ ምህሮ ዐባዩመ ህለ። እት ሰለሰ ደረጃት ህዩ ልትካፈል። ዐረዮት፡ ኡብደዮት ቅዌት ወናይ ምሴ-ድራሰት (Extension) እቲ ልትካፈል። ናይ ዐረዮት 25 ንቅጠት ብነ፡ ወአክሎም ናይ ኡብደዮት ቅዌት፡ ክምስልሁመ ክልኤ ንቅጠት ናይ ምሴ ካልኣይ ደረጀት ለበጽሐየ እማት ህለየ እግልነ። ዮም ዓመት ናይ አፍባበት ወቃምጩወ አንሰ ማትሪክ ለወድዮ ህለየ እግልነ ለናይ ቃምጩወ ዲብ በዝሐ።

ሰኣል፡ ዐደድ ደረሳኩም ከም ገብእ እትሊ መአሰሳት ለህለ?

በሊሱ፡ ዮም ዓመት 15,970 ደረሳይ ዲብ ንዝም ምህሮ ለህለው እት ገብእ፡ መጽብ 6,000 ደረሳይ ህዩ እት ናይ ዐባዩ ኡብደዮት ቅዌት ወዐረዮት ህለው እግልነ። ምን እሎም 1,667 ደረሳይ እት ረውደት ህለው እግልነ። እት መአንብታይት ደረጀት 10,211 ደረሳይ፡ እት ምግባይት ደረጀት 3404 ደረሳይ ወዲብ ካልኣይት ደረጀት 687 ደረሳይ ህለው እግልነ። እሊ ዐደድ ደረሰ ወመትመዳድለ ተዕሊም ምን ሰነት እት ሰነት ዲብ ዘይድ መጽእ ህለ። ለሕምቅ ወሀጎጋይ ዕልብ ደረሰ

ዲብ ካልኣይት ደረጀት ህለ። ኣላት ደረሰ ዲብ መአንብታይት ወምግባይት ደረጀት ብነ እት እንብል፡ ዲብ ካልኣይት ደረጀት ዐደድ ብዞሕ ትትጸበር፡ ላኪን እብ አሰባብ ብዞሕ ዐደድ ደረሰ ዲብ 2ይ ደረጀት እት ልውሕድ ልትረኤ።

ሰኣል፡ ምስል ብዝሐ ሰነን ዶል ነኣትመግውር ደረሰ ካፍዶም ብነ ትብል?

በሊሱ፡ እትለ ምዴርየት 120 አልፍ ሰነን ህለው። ምን እሎም 16 አልፍ እት ንዝም ምህሮ



ለህለው ቶም ዶል ልትበህል፡ ለዐደድ ሐድ መስል። ኩሎም እት ዕምር ድራሰት ለህለው አጀኒት እት ዐግሎ ተዕሊም ዕጉላም ክም ይህለው ቱ ለልትረኤከ። ለካድም እብ ውዛረት ተዕሊም ገብእ ህለ፡ እት ክል ወደግ መድረሰት ትፈቱሕ ህሉት፡ ላኪን ዐደድ ደረሰ ዶል ወሰክነ፡ ዐደድ መደርሰን እብ ህግዩ እም ኢወሰከ ወአፍሱልመ ሕዲን ሳድፈን ህለ። ከለዐቦት እብ ዕልብ ሌጠ ሐቆ ገብኣት፡ እት በቃዐት ተዕሊም ሕምቅ እግል ኢልህነኣን

ዳብኣመ ለህሉነ።

ሰኣል፡ መትመዳድ ተዕሊም እት ኩሉ እዳራት ቡጽሕ ህለ መኢፋሉ?

በሊሱ፡ ዳሕየት ግልቡብ ሰነን ረሻይዳ ቶም ወመድረሰት አለቡ ዲብ። ለብዕድ ዳሕየት ኩሉ መዳርሰ ባጽሐ ህለ። እት ገሌሁ ህዩ ምን ሰለሰ ወለዐለ መድረሰት ለቡመ ህለ፡ መሰለን ዳሕየት ፈልከት ሰሰ መድረሰት ብዲብ።

ሰኣል፡ ለናይ ካልኣይ ደረጀት መዳርሰ እት እሰዉ አካናት ህለ?

በሊሱ፡ መዳርሰ ካልኣይ ደረጀት ለብእተን አማክነ፡ ቅላመት፡ አፍባበት ወቃምጩወ (ናሮ) ተን።

ሰኣል፡ ምግባይት ደረጀት ህዩ?

በሊሱ፡ ምግባይት ደረጀትመ እት 16 ዳሕየት ምዱድ ህለ። ለመሳፋቱመ ደሐን ቱ፡ እብ ሪም ምድር ምን ተዕሊም ለልትሐረም አጀኒት ወይህለ ለንዮትለ ተዕሊም ምን ተህሌ።

ሰኣል፡ ዳሕየት ግልቡብ መድረሰት እግል ትክሰቶ ዲብ ሚ ልትሐሰብ ህለ?

በሊሱ፡ ዳሕየት ግልቡ ተጀምሶ ሰነን እግል ልግበእ ዲብ ወሐቀህ ሕነ መድረሰት እግል ትትከሰት ዲብ ሓሰባም እለ ህሉነ።

ሰኣል፡ ብኩይ ወኢትብን መዳርሰኩም ሚ መስል?

በሊሱ፡ እት ብነ ርኤነ ምን ገብእ፡ ክል ጅነ እት ተዕሊም እግል ልእቱ ሲያሰት ሕኩመት ኤረትርየ ሰበት ተ፡ እት መድረሰት ጥውር ወጀው ሰኡ እግል ነኣድርሰ ወጅብ። እሊ ኢትረከበ ምን ገብእ ላኪን፡ ለአጀኒት እት ሐን ዕሸሽ ልግበእ፡ ዕጩይ ወኡብዓት እግል ልድረሰ ብዲብ። 34 መድረሰት ህለየ፡ ምን እለን ለብኩያት 14 ሌጣ ተም። ለብዕድ ኩሉ ዲብ ለሸዐብ ንዮት ተዕሊም ሰበት ቡ፡ እበ ቅድረቱት እብ ዕሸሽ ለበነዩ



እስታዝ መሓመድዐሊ እድረሰ

እቱ ለሸቅየ ብዝሓት ተን። እብ በርናምጅ ዐረዮትመ፡ ለሰነኖም እንዴ ሐልፈው ወትዐርረው እት ጃምዓት እብ ዲግራ፡ ዲፕሎም ውብዕድ ደረጃት ለትደሐረው ብዝሓም እፍሩያም ህሉነ።

ሰኣል፡ ሰዳይት እግል ማትሪክ እብ መደርሰን ለገብእ ምን ለህሌ?

በሊሱ፡ በዲር እት ወክድ ከረም እግል ምን 4ይ ፈሰል ወለዐል ለህለው ደረሰ ሰዳይት ትትህየብ ዐለት። ዳርሳም ውላድ እለ ዐድ እት ኩልያት ለደርሶ ወመደርሰን እለ መዲነት ቶም። እግል አርበዕ ሰነት ኡተላለወ ወሐር ኮሮን ክም መጽእ በዋረ። ዮም ዓመት ላኪን ፍክረት ብነ፡ ለሰዳይት እት ደረሳነ ፍገራት ሰኔት ሰበት ተ፡ ግረ ጅነራል ዮም ዓመት እት ህለ ወክድ፡ መደረእ መዳርሰ ወምሸርፈን ምስሎም እንዴ ጀምዐነ፡ ለአጀኒት ለልትሰደው እቡ በሰር እግል ንቅፈር ተ። እሊ በርናምጅ ህዩ ምን ቀደም እለ ለዐለየ እበ ሔሰት እግል ነኣትሐሰሰዩ ሰእየት ብዩ።

ሰኣል፡ ወራታት ርያደት ወፃዮየት እት መዳርሰኩም ከኣፎ ህለ?

በሊሱ፡ እሊ ሰኡ ልሄርር ህለ፡ ጅግረ እብ አፍሱል እት ቀበት መዳርሰ ገብእ፡ ሐቀህ እብ ክላሰተር ብዝሓት መዳርሰ ምስል ልትጃገረ። ምዴርየትነ እት ሐምስ ክላሰተር ኩፍልት ተ። ክላሰተራት ኡትጫራይ እንዴ ወደየ፡ ምኑ ለሐልፈው እብ ደረጀት ምዴርየት እት አካን ምግባይት እብ ኩሉ አጅናሰ ርያደት ጅግረ ናይ ሳምን ርያደት፡ አካዳሚ ውብዕድ ትገብእ። እሊ እት ክል ሰነት እንወድዩ ወሰኒ ገይሰ ህለ። መሰለን ደዓም እብ ደረጀት አቅሊም ምስል ንቅፈ በጽሐነ ወሰሰ ካሰ እቶም እብ ኩሉ ዓማር ኮበሪት እግር እት ጅግረ ገብኣት ወእብ አርበዕ ካሰ አፍባበት ተዐወትነ። ለጅግረ ህዩ እት ርያደት፡ ዓዳት፡ ዓፍየት ወአካዳሚ ትገብእ።

ሰኣል፡ ነዋዲ ገማል ህዩ ብኩም ማሚ?

በሊሱ፡ ነዋዲ ገማል ህለ እግልነ፡ እት ማይ ዋጅድ ለቡ መዳርሰ ዕጩይ ልትሸተል ወልትዐቀብ። መሰለን ካልኣይ ደረጀት አፍባበት ወመድረሰት ሰላም ምን እብ ገማል ዕጩይ ሚም ለልትአመር መዳርሰና ተን።



ሻባት እት ውርስ ታሪክ

ሻባት

ነጃት ዑሳማን



ለሕንፋል ተ። ዲብ ክሉ እሊ ለገአ ወራራት ወቀይ ናይ አዋልድ አንሳት ምን ቅያስ ወለዐል ክም በዲሩ ትደገመ ወለዐም አትፈከረ፡ ከሰበት እሊ ታሪክነ ልትደገም ወልትወረስ ዲብ ኢኮን፡ ታሪክነ ኢልትረስዕ ወኢሊህሰስ።

ክመ እሉ እንቤ፡ ደረጀት አዋልድ አንሳት ዲብ ተዕሊም ምን አንቀይም እግል ኖሰ ለብጽሕት ህሌት ምስዳር ቀላል ኢኮን፡ እንዴ ደርሰዩ ለትወቀለት ደረጀት ናይ ኩልያት ወጃምዓት እንዴ አትመመዩ እግል ዐማር ወዐቦት ወጠን ወክድመት ሰዳይት ሽዑቤ ዲብ ክል አርኻን ወጠን ልግበእ ወዲብ ካርጅ ፍሩራት ለህለዩ ሻባት አዋልድ አንሳት ብዝሓት ተን፡ ወእለንመ ሌጠ ኢኮን፡ ክመ ዲብ ማሌ እግል ሕርየት ምህሮተን ሳዳት ለዐለዩ፡ ዮም እግል ዐቂብ ስያደት ወጠን ዲብ መጦር ሐወን ዲብ መዳፍዐት ወጠን ህሌነ ልብለ ህለዩ። ሕርየት መጽሕት እንዴ ቤለዩ ለሰድት ዐለት ወሕርየት ለአምጸሕት ምህሮት እማተን ህተንመ ወርሲያህ ከዮም እለን ተን ዌርስት ታሪክ ወሐበን ጋብኣት ህለዩ።

ሰአል፡ እብ ጀህትኪ ተዕሊም አዋልድ አንሳት እብ ከአፎ ትሽርሕዩ፡ ዲብ ትፈናተ እጅትማዓት ሰበት ናቅሾቡ ዲብ ሚ ደረጀት ህለ ወትብይ?

በሊሰ፡ አወል ወቀደም ክሉ ክመ ክሉ ለአምረ ተዕሊም ዕምር ኢፈንቴ ወጅንሰ፡ ወጅብህት ሽዕብዩት እት ንዳል እት ህሌት እብ እዴ ሐቱ ሰላሕ ወእብ ካልኣይት እዴ ህዩ ቀለም እንዴ አጽበጠት ዲብ ተአደርስ ሕርየት ማጽሕት ተ። ከአዋልድ አንሳት እሊ ለመሰል ታሪክ ሰበት ለአምረ ወመንፈዐት ድራሰት እግል ወለት አንሳይት ደረ ሚቱ ሰኒ እንዴ ወደዩ ሰበት ፈህያ ተን፡ እት ተዕሊም ብዙሕ መሻክል ለህለ ኢመሰል ዲብዩ። ዮም እብ ፈድል ሕኩመት ኤረትርዮ እትለ ሬመ ወኢልትዐሬ ለልትባህል ብሩር፡ አብያት መዳርስ እንዴ ትበነ ክሉ አዳም ዐቢ ወንኡሹ፡ ተብዐት ወአንስ ዲብ ጠሾ ዕልም እንዴ ተዐገለ እግል ልትዐልም እብ ሕበር ምህሮቱ ሳድድ እቱ ለህለ ወቅት ቱ፡ ከእሊ ህዩ አሮት ምን ብኸእ ወተዕሚር ናይ ወጠን ቱ እንዴ እንቤ ለንህድግ እቡ ቱ።

አስክ እማት ወአበው እንዴ ኢተርፎ ዲብ መጦር ውላዶም ወአዋልዶም ምህሮቶም እንዴ ሰደው ክል አርት ከወቀይ ምዲሸቱ ወቤቱ እንዴ ሐድግ ምን ክተቦ ወቅርኦ እዩ ክም ለአባሬ ጋብእ ህሌ። ወእብ ፍንቱይ አዋልድ አንሳት ወለ እብ ገሌ አሰባብ ናይ ህዳይ ወመሻክል መንበሮ መዳርስ ለሓድጋትመ አዋልድ፡ በኩት እንዴ ተህዩበዩን እግል ልድረስ አግቡይ ትፈተሐ እለን ወእንዴ ደርሰዩ፡ ለዐቤት መርሐለት ናይ አሸቃል ባጽሓት ህለዩ፡ ክም መሰል ዲብ ክል ሰነት

እት ወጠንያይ እምተሓን ማትሪክ ለገብእ መሻረካት ናይ አዋልድ አንሳት ሰኒ ብዙሕ ቱ። ክም መሰል ሰኔት እብ መሻረካት ለልትህድግ ዐዶታት ክም ከረ አፍዐበት፡ ነቅፈ፡ ብዕዳት ዐዶታት ወእት ካርጅ እግል ንስሚመ እንቀድር።

ሰአል፡ እግል አዋልድ አንሳት ለሳድፍ መታክል ሚህለ ወትብይ፡ ዲብ ተዕሊም ልግበእ ወብዕድ ምስተቅበለን?

በሊሰ፡ ምን ቀደም እለ እብለ ትፈናተ ምስተዕምረት ሳድፍ ለዐለ ጭቁጣት፡ ምን ሕርየት እንዴ አንበትን ትባልሐነ ምኑ ወዲብ ሰኔት አባሬ፡ ውላድነ ደርስ ወተዐለመ፡ ወዮም ሰብ ምስተቅበል ጋብኣም ህሌን። በስ እግል አዋልድ እሊ ዘበን መታክል ጋብእ ህለ ለእብሉ ምን ለህሌ፡ አወላይ ንቅጠት ህዳይ ምተሐት ዕምር ወክሽቦ ቱ ወክም ሳልሳይት አትካራም መድረሰት ቱ።

ከእስ አወላይት ወምህመት ለእቤለ ንቅጠት እግል አንብት ወህተ ህዩ፡ ህዳይ ምተሐት ዕምር ቱ። ዮም እሊ ክሉ ፈህም ናይ ምጅተመዕነ ዲብ ሐሰት ደረጀት ባጼሕ ዲብ ህለ ዲብ ገሌ አካናት ምተሐት ዕምር አዋልድ አንሳት ዲብ ልትህደዩ ዶል ትርእዩን ለመርሐለት ናየ ብጽሕት ህሌት ፈዛዐት ዲብ ገሌ አካናት ህዩ ለደረጀት ናየ ፈህም ሐዋኒት ክም ህሌት ልትፈህም እነ ህሌ። ከአዜ ሚቱ ዶል እንብል፡ ለወለት አንሳይት ዕምረ ታምም ቱ ሐቆ እንቤ፡ ተማመት ገሮብ ወተማመት አፍካር ሰበት ለአትሐዘዩ አስክ ምለዐል 18 ሰነት ትበጼሕ በክት ናይ ተዕሊም ወተማመት ገሮብ እግል ትርኩብ ህለ እግለ እብል። እሊ ክሉ አሰባብ ናይ ፊሰቱለ ወለ መሰሉ ጋብእ ለህለ አሳሱ ህዳይ ምንተሐት ዕምር ወክሽቦ ሌጣቱ። ከእሊ አሰባብ እሊ እግል ልትህወን ገአ ምንገብእ ፈህምነ ዲብ ዓፍየት ወሀለዮት አንሳይት እግል ልትወቀል ህሌት እሉ እብል።

ካልኣይት ንቅጠት ህዩ መሰአለት ናይ ክሽቦተ። ክመ ክሉ ለአምረ ክሽቦ ረስሚ ትመነዐ ወምጅተመዕ ክሉ ፈህመ ወዮም እንዴ ተዐወትነ ዲብ፡ እት ደረጀት ምተሐት ሐቱ ምእታይት ባጼሕ ህሌ። እሊ ህዩ እበ ገብእ ህለ ተዐቢኣት ወለትፈናተ ድራሳት ቱ። እብ መጅብ እሊ ህዩ፡ ዲብ ቀበት ፋህሚን፡ ፋህማም ዲብ እንቶም ምነ ቀደም አዜ ለዐለ ልብሉኒ ለልብል አፍካር ምኑ ለልትበገሰ እማት አዋልደን ለለኣክሸገመ ህለዩ። ከሰበት እሊ ፈህምነ ወአትፋዝያትነ ዲብ ክሽቦ አንሳይት ዝያድ ክም ለዐቤ ወላመ ቀደም እለ ገብእ ለዐለ ተዕቢኣት ክም በዲሩ እግል ለአተላላ ህሌት እግሉ። ወለት አንሳይት እብ ሰበት ክሽቦ ለሳድፈ መጸጸት፡ ዲብ ወቅት ጅማዕ ወሕርስ ወእብ ዐቢሁ ክመ እሉ እቤ እግል ብዝሓት አዋልድ አንሳት አረይ ፊሰቱለ ዋዲ ህሌ



ወለ ሳድፈን መሻክል ቀሊል ኢኮን፡ ሳኪን ፈህም ናይ ምጅተመዕ እንዴ ሰኔ እግል ሊጊስ ለወጅቡ፡ ሐር ዲብ ለዐቀብል ልትረኤ ህለ ሰበት መሰል ነአንተብህ።

ሰአል፡ ዲብ ደንገበ እግል አዋልድ አንሳት ምክር ልግበእ ወልእከት ሚተሓልፈ እግለን?

በሊሰ፡ አዋልድ አንሳት ሰር ናይ ምጅተመዕ ሰበት ገአዩ፡ ዲብ ተዕሊም እግል ልፈድብ ህሌት እግለን። እግልሚ ምን እንብል፡ ለእም ዕልምት ሐቆ ገአት ክለ ዓኣለት አው ለምጅተመዕ እግል ልንጀሕ ክምቱ እግል ነአምር ብኩ፡ ወአዜመ እሊ ተጃርብ እሊ ርእያመ ህሌን። ከዶር አንሳይት እት ተዕሊም ፍንቱይ እግል ልግበእ ህሌት እግሉ። እሊ ዲብ ለዐል ነህድን ለዐልነ እግል ወለት አንሳይት መታክል ጋብእ ለህለ አሸያኡ፡ አዋልድ አንሳት ወእብ ፍንቱይ ዳርሳት ደረጀት ናይ ተዕሊም ለበን ክም ለአሰርታሁ እግል ልጅህደ ህሌት እግለን።

እብ ጀህት ሐቱመ ፊነ እግል ክሎም ሽባን ተብዐቶም ወአንሶም እምበል ፈናታይ ለእትፋንዩ ፊነ ምን ተህሌ፡ ተዕሊም ሌጣ ቱ። እምበል ተዕሊም ለትገብእ ሰበት ኢህሌት ወሐያት ወድ አዳም እብ ተዕሊም ክም ትነጅሕ ወትፈሸል እግል ነአምር ህሌት እግልን። ከሰበት እሊ እብ ተዕሊም አካን ክም በጽሖ እምበል ሕላሌ እግል ንሸቂ ህሌት እግልን። እለን ዮም ዋወራት ወራክባት እንዴ እንቤ እንሰምየን ለህሌነ ድወል፡ ለበዝሐዩ ምነን እብ እስትዕማር እኪት እንዴ ገንሐያቱ እለ ደረጀት ለባጽሓት። ከምን እሊ ለእንደርስ ምን ተህሌ፡ አሰር እስትዕማር፡ ዐማር ወዐቦት ክም ህለ ሸክ እግል ኒዴ አለብኩ፡ ዳርስ ወምህነት ለትዐንደቀ ሻብ እግል አፍረዮት፡ መስኡልየት ሻባት ሌጣ እንዴ ኢትገብእ፡ ክል መዋጥን ለራፍዐ መስኡልየት ቱ። አርዛቅ ኤረትርዮ፡ ለኢትሻኒህ ምስተዕምር ኢህለ ሳኪን ፈድል ውሕደት ሽዑብ ኤረትርዮ ወሕኩመቱ፡ ክሉ ተሐለፈ ከዲብ ፍሬ ተዐበትነ ወዐቂብ ስያደት ወጠን ነህድግ ህሌን። ከእግለ ራክባሙ ህሌነ በክት ዌርሰቱ ወሰብ አማኑ እግል ንግበእ ህሌት እግልነ እብል ወሹክረን።

ሐዘን ወግርመት

ኬትባይ = ያሱናሪ
ተርጀሙት = የሰፍ እድራስ አሟር

12^ኛ ክፍል

እተ ወቅት ለምሳል ፎሚኮ ተሃደዋቱ፡ ፍንጌል መክጡጣት ናይ ኡኪ ወለ እንዴ ትጠበባዮ ፋግረ ለዐለዮ አክትብቱ፡ ለፈናቱ ጋር የዐለ፡ ፎሚኮ ኬትባይት ዲብ ኣለት ካትብት ሰበት ዐለት፡ ኡኪ ለትትከተብ መስኣለት ህሌት እሉ ምን ገብኡ፡ እግለ ለሀይብ ዐለ፡ ከዲብል ኣለት ካትብት ሊዮግንዮት ልትከተብ ለዐለዮ ሰፍሓት፡ ምን እብ መዋበዐት ለከተባዮ ዲብ እብ ከዋ እዴ ለትከተባዮ ቀርብ ዐለዮ፡ ምስል እሊ ኡኪ ለእብ ኬትብት ውላድ ምውዳቅ ጸሓይ ልትከተብ ለዐለዮ ርዋያት፡ ሙባሸረተን እብ ኣለት ካትብት ልትከተብ ክም ዐለዮ፡ አውመ ሐር ዲብ ኣለት ካትብት ልትነገለ ክም ዐለዮ ለአምር ዐለ፡ ላኪን እለን ለእብ ኣለት ካትብት ልትከተብ ለዐለዮ ርዋያት፡ ወእምበል ሸክ ላምደን ሰበት የዐላቱ መስለኒ፡ ታፍሃት መስለ ዲብ ዐለዮ፡ ወለ ለሀይባሁቱ እሕሳሰመ ምንተሐት ለትጠበባዮ አውመ ህይ እብ እዴ ለትከተባዮ ለለሀይባሁቱ እሕሳሰ ዐለ፡ እብል ሰበት ህይ እተ ዶሉ ብዙሕ ነዋቅስ ረክብ ዲበን ዐለ፡ ወእባሁ ዲብ ተስሐሕሐ ለኣቱ ዐለ፡ ከእብ እሊ ሰበብ እሊ ከለን መክጡጣቱ እግል ፋሚኮ እግል ለሀበን ለምደ፡

ምናተ አዜ እለ መክጡጣት ናይ “ወለት ዐስር ሰስ ሰነት ሸንብሬበት” ክምሰልሁ እግል ልውደየ ቀድሮ ገብኡ? እሲቱ እግል ትክተብ ሐድገዩ እለ ምን ገብኡ፡ እሊ እግል ለአምጽጻ ወልሂናቱ፡ እሊ ህይ ረሕመት ክም ኣለቡ ለሊሐብር ጋርቱ፡ እተ ወቅት ለምሳል ኡቱኩ ትራከበውተ፡ እሲቱ ወለት ዕስረ ወክልኤ ሰነት ዐለት፡ ወወድ ብክረ ዋልደት ዐለት፡ አማን ተሐይስ ዕላቀት ብእሳ ምስል ኡቱኩ ሰነ ሸክ ተአወደየ ዐለት፡ ላሊ ወልደ እንዴ ሐዝለት እሉ እት ተሐዜ፡ እበ መጦርለ ገበይለ ሰከት ሐዲድ ተአንገዋጌ ዐለት፡ ሓቱ አምዕል እግል ክልኤ ሳዐት ባደየት እንዴ ዐለት፡ ኡኪ እግል ልሕዘዮ ዶል ትበገሎ፡ እበ ባብለ ጅኔነት እት ለሐልፍ እት ጠርዕ ሰምዐዮ፡ እተ ጅኔነት እት ግንዳይ ዕጩት ሐቱ ጽግዕት እት እንተ ረክበዮ፡ ወቤተ እግል ትዲር ኣብዮት እሉ ዐለት፡

- ገዲ ሺጣን ዓውዚ፡ ዲብ እለ ሚትወዲ ህሌኪ? ለጀነ ብርድ እግል ልንሰእ ቱ፡

እሊ እት ምግብ ሸሀር ያናይር ዐለ፡ ወለ ምድር ኣስክ እለ ብሩድ ዐለ፡ ወለ አማን ለጀነ ብርድ እንዴ ነስኡ፡ ከእብ ኒሞንዮት ልትዐዘብ ሰበት ዐለ ዕደደት ኣክረረ፡ ወፎሚኮም እሉ እግል ትራዴ ዕደደት ጸብጠት፡

- ምን መይት ወሐሴክ ዐለ! እባክ እግል ትሕደገኺ ወቀለት እግልከ፡

እሊ ፎሚኮ እግል ኡኪ ለበለቱ ቱ፡ ኡኪ ላኪን፡ ወለ እተ ወቅት ለሀይመ፡ ኢሀለዮት እሲቱ ምስል ኡቱኩ እግል ልትራከብ ብኡይ ሀበዮ ምናተ ለጀነ ተዓፊ፡

ኡቱኩ ቀደም ሓነ እተ ወልደት እቱ ወቅት፡ ፎሚኮ እም ኡቱኩ ምን ዕደደት ለነድኣተ ርሳለት እት እዴሀ ሰበት ትከሬት፡ ለቲለል ዓልዮቱ ዐለት፡ ምስል ወለት ዐስር ሰስ ሰነት ቀሪቡ፡ ብዙሕ ለለኣትዐጅብ ጋር ወለ ምን ኢለዐሌ፡ ፎሚኮ ላኪን ኣስክ እለ ደረጀት እለ በጽሕ ለልብል ወግም የዐለ እሉ፡ ሕልምቱም የዐለት፡ ብእስ እግል ሸንብሬበት ዲብ ከሉ እሊ መሻክል እሊ ሰበት ኡብጸሐዮ፡ ምን ቅያስ ወለዐል እብ ሐሩቀት ነደት፡ ወምን ዕየር ለዐለት ከሉ ረኣሱ ኡብጸሐተ፡ ወእግለ ንሳለ ኣስክ ደም ልትክዔ ነክሸቱ፡ ኡኪ ለደም ምን ከናፍር እሲቱ እት ልትቃጠር ዶል ረኡ፡ እብ ሸፋግ ለኣፋህ እንዴ ፈትሐ ከእዴሁ ሎሽ ዲብ፡ ፎሚኮ ተሐነቀት፡ ወእንዴ ትደውረረት ኣስክ ሓለተ ትትክለስ ጠርሸት፡ ኡኪ ለእዴሁ ምን ኣፈ ኣፍገረና፡ ለአጫብዕቱ ኣሰር ኣንዶብ እሲቱ ዐለ ዲበን፡ ወአድማይ ለኣትቃዋረ ዐለዮ፡ ፎሚኮ እሊ ዶል ረኡት ቁሩብ ሀድኣት፡ ከእዴ ኡኪ እንዴ ሐጽበት፡ ደወ ወዴት ዲበ እሉ



ወሰፊተ እሉ፡

ፎሚኮ፡ ኡቱኩ እግል ኡኪ እንዴ ሐድገቱ ከምስል እመ ኣስክ ክዩቶ ክም ገዘት ኣምረት ዐለት፡ ህተ እለ ርዋየት ናይ “ወለት ዐስር ሰስ ሰነት ሸንብሬበት” እንዴ ኢትትክለስ ቱ ለምስል እመ ገዘት፡ አዜ እለ መክጡጣት እሲቱ እግል ትጥበዐ እሉ እለ ሀበዮ ምን ገብኡ፡ እለ ውዲት እለ ምን ሐዲስ ጀርደት ዲብል ጸልዐተ ሐርሐርት እንዴ ገብኣት ትሰመዐቱ፡ እሊ ህይ ምን ሐዲስ ዲብ መጺጸት ወመቅደን እግል ልካርዶቱ፡ ወልትከተብ ሰበት ሀለ እዩ ኣካን ኣርሕዩ እግልዩ እግል ኢለበሉ፡ እሊ ህይ ገሌ ሙህም ጋር ለሐብኢ ምን ክም ሀለ እግል ኢልምሰለ ፈርሀ፡ ወእብሊ ሰበብ ብዙሕ ተሐየረ፡ ሐር ላኪን እግል ለሀባተ ቀረረ፡ እት ሰልፍ ከሉ ላኪን እብ ከሉ ቀልጣቱ እግል ለኣዕተርፍ እለ ሐዘ፡ ፎሚኮ እግል መክጡጣት ቀደም ክታብቱ፡ ምን አወለ ኣስክ ኣክረ ቀርኣተ፡ ወሰኒ ሓርቀት እት እንተ ክምእነ ትቤ፡

- እግል ቲጊስ ዲበ እግል እዘም ምንክ ዐለት ዲብዬ፡ እብ ሚቱ ክምሰልሁ ለኢወዴኩ፡ ከሎም እግል እሊ ክታብ ለቀርኡ፡ ረሕመቶም ዲብ ኡቱኩ እግል ትምጸኦም ቱ፡

- እኪ ለከሰስ ሸእ እግል እክተብ ኢሐዜኩ፡

- ኣነ ምስል ሐቱ እሲት ሙሳልየት

ለእት ሳነን ክም የኣነ ኣምን፡

- ኣነ ክምእለ በህለትዬ ኢኮን፡
- ኣነ መቅደን ወመዕየን ምስል ትሳደው እኹ፡

- ኡቱኩ ገዘት፡ ኣነ ሐቆ እለ እግል ሰኒን ጠዊለት ምስልኪ እግል እንበር ቱ፡ ወሐርመ ለበዝሐ ምን እት እሊ ክታብዬ ሻምሎም ለህሌኮ ኣፍካር፡ ክም ኬትባይ ለትካዩልክምም ቶም እት ኢኮን ወምሰለ ናይ አማን ኡቱኩ ለልትመሳሰል ሐበትመ ኣለቡ ዲብም፡ ህተ በዲር ትረሰዕኮህ ወእብ ክሰሰ ለኣምሩ ጋር ወላ ሐቱመ ኣለብዬ፡

- እሊ መትካያል እሊ ምን እግል ለዐለ እክ ሻም ለልትበገስ ቱ፡

ኡኪ ክም ጋር ቀሊል ናስኡ ዲብ እንቱ ክምእነ ቤሉ፡

- እፈትየ ምን የዐሌ በታተን እግል እሊ ክታብ እሊ ወኢከተብዬ፡ ኣዜ እበ ኣለት ለኮቲብ እግል ትክቲቡ እግል ዬቱ? እሊ ጠለብ እሊ እቀድም እትኪ ዲብ ህሌኮ ሰኒ ሰዱድ እንዴ ገብኣ ልትሰምዐኒ፡

ከሰኒ፡ እግል እክተቡቱ፡ ኣለትለ ከቲብ ሳተ ሚጋረ ኣለተ ኢኮን፡ ኣናመ እት ኣለት እግል እትበደልቱ፡ ምናተ ፎሚኮ ወለ ኣፍሀ ክምሰልሁም ምን ሊብል፡ ክም ኣለት እግል ትሸቁ ቅድረት የዐለት እለ፡ ብዙሕ ቀልጣት ትወዴ ዐለት ትመስል፡ ኡኪ ብዙሕ ዶል ሐሸሸ ናይለ እንዴ ጫረመት ትላክፋ ለዐለት ውራግ ሰምዐ ዐለ፡ ወእግል ዕርፍ እተ ትበዋር እቱ ወቅት፡ እበ ኡተናፋስ ሰበት ትትሐነቅ ረኣሰ ደውር ወእግል ትውደቅ ተሐዜ ዐለት፡ ወለ ቤት ሰኒ ጨባብ ሰበት ዐለት፡ ለኣለትለ ከቲብ እት ኦሮት ርክን ናይለ ሳለትለ ኣርበዕ ቦርዶት ክሪት ዐለት፡ እሊ ህይ ባክለ ሰስ ቦርዶት ለኡኪ ክም መክተቡ ልትነፈዕ እበን ለዐለ እግል ትግበኣ ሰበት ትበህላቱ፡ ወህቲመ ሀለዮት እሲቱ ዳእመን ልሸዕር እቡ ሰበት ዐለ፡ እተ መክተቡ ራውግ እት እንቱ እግል ልትገሌ በታተን ቀድሮ የዐለ፡

ፎሚኮ ላኪን ከሉ ባለ እት “ወለት ዐስር ሰስ ሰነት ሸንብሬበት” ካርዮቱ ሰበት ዐለት፡ እት ብዕድ ጋራት ብዙሕ ሕሰር የዐለ እለ፡ ወህተ ኖስ እት ኣለት ብድልት እቡ ለዐለት ሰበብ እት ወግም ኡቲቱ ሰበት ዐለት፡ እግል ትትሃጌመ ተሐዜ የዐለት፡ ለርዋየት እት ሰለስ ምእት ወሕምስ ሰፍሐት ክትብት ዐለት፡ ወእግል ትትከተብ ወለ ኬትባይት ምክንትመ ምን ትጽብጤ ብዝሓት ኣምዒላት ለኣትሐዝያህ ዐለዮ፡ ፎሚኮ ለገጸ ጭብሉይ ዐለ፡ ወላመ መሻድግ ተሐት ቁሩያም ዐለው፡ ወለበዝሐ ወቅት ግሲት እት እንተ ወልበ እት ተውሰ ተሓልፋ ዐለት፡ ከምን ሐዲስ እምበል ዕርፍ ዲብል ክታብተ ተኣቀብል ዐለት፡ ሐቱ ምሴት ቀደም ድራር፡ ቢጫይ ፊሻይ በርጨቀት ወለ ሓለተ ሰኒ ደዐፊት፡ ከኡኪ ለዒጸተ እግል ልጭቀም እለ እንዴ ቤለ ዶል ቀርባዮ፡ ለትንፋሰ እት ልትካረም ክምእነ ቴለት፡

- ማይ፡ ምን ፈድሰክ ማይ ሀበኒ፡
ወለ ዕንታተ ለእብ ቅይሒን ገሀር መስል ዐለ፡ እብ ኣናብዕ ጅቁጁቅ ዐለ፡

ኤጣብ ከወጣዩ ምክር!

ኦሮት ነፈር ዲብ ኣል እማም ኣል ሻፊዒ እንዴ መጸ፡ ከነብር እተ ለሀለ ሓለት ሕግላን ወህቱ ሸቃላይ ክም ቱ ወእት ኣምዕል ሐምስ ደርህም ክም ረክብ ወእለ ዮምየቱ ወለ ሐቱ ክም ኢት ደብእ እሉ ደግመ እሉ፡

ኣል እማም ኣል ሻፊዒ እለ ክም ሰምዐ እግል እናስ ዲበ ለኣሸቄክ ለሀለ ነፈር እንዴ ጊሰክ ከለ ዮምየትክ ምን ሐምስ ደርህም እት ኣርበዕ ደርህም እግል ልብለሰ እክ ትሰኣሉ ቤለዮ፡

ለእናስ ለመስኣለት ወለ ምን ኢፊሀመያመ ህቱ ላቱ ህግያለ እማም እንዴ ሰምዐ ክመ እለ ትብህለ ወደ፡ ሐቆ መደት ለእናስ ዲብ ኣል እማም ኣልሻፊዒ ምን ሐዲስ እንዴ ኣቅበለ ክም እለ ቤለዮ፡ “ሼክነ ኣነ ለሓለትዬ እተ ኣካነ ህሌት ወለ ሐቱመ ኢትበደለት ዲበ” ቤለዮ፡ ህቱ ህይ ዲብለ ዐሚሁ እንዴ ኣቅበለ ክለዮምየቱ ምን ኣርበዕ እት ሰለስ ደርህም እግል ልክረየ እሉ እግል ልትሰኣሉ መክረዮ፡

ለእናስ ሰኒ ፍኩር እት እንቱ ዲብለ ዐሚሁ ኣቅበለ ወክመ ኣል እማም ኣል ሻፊዒ ለበሉተ ወደ፡ ሐቆ መደት ለእናስ ዲብለ እማም እንዴ ኣቅበለ ከዲብለ እለ ሀበዮ ምክር ብዙሕ ሐመደዩ ወለ ሰለስ ደርህም ከሉ መሓግዙ እንዴ ባልሐት ሐቆሁመ ተኣተርፍ እሉ ክም ህሌት ኣሰኣለዮ፡

ምናተ ለመስኣለት እግል ልፈሰረ እሉ ጠልበ ምን፡ ለእማም ህይ ክም እለ ቤለዮ፡ “ለሸቅል ለእሉ ጸብጥ ዐልክ ምን በዲሩ ምን ሰለስ ደርህም ወለዐል ለኣስታህሉ ይዐለ፡ ለክልኤ ደርህም ለምንለዐል ትትከተተን ዐልክ ምን ሐቅክ ሰበት ይዐለዮ፡ እተ ማልክ ክም ተሓበረየ በርኩት ከልኢያሁ፡ ከሐራም እት ሐሳል ተሓበረ ምን ገብኢ በርኩት ለኣስኢኡ ወሸቲተት ወድዩ” ቤለዮ፡



ቶብሰህህ



ኦሮት ነፈር ነብረ ዲበ ዕጉል እት እንቱ ጋሻይ መጸዩ፡ ኣሰላም ዐሌኩም ቤለዮ፡ ዐሌኩም ኣሰላም በልሰ ዲቡ፡ ምናተ ቀደም በል ኣርሕብ ኢቤለዮ፡ ትም እትልብል ልቡ እተ ነብረሁ ሌጠ ወደዩ፡ ለነፈር ህይ ምን ነብረሁ ቅሩብ እግል ልሻቅሉ ሰበት ነወ ክም እለ ቤለዮ፡

- እት ገበዩ እብ ዐድክ ሐለፍት፡
- እላቱ፡ ከእት ገበይክ ዐለው ኢኮን ቤለዮ፡
- ለጋሻይ ህይ ኣዜመ፡ እሲትክ ዐምሳት ተ ቤለዮ፡
- ለእናስ ህይ፡ ዓቤ እለ፡ ከበረ ዐለ እዩ ቤለዮ፡
- ለጋሻይ ህይ፡ ከወልደት ማሸኣለ ትፈረጀት ቤለዮ፡
- ለእናሴ፡ ከኖሳመ ዐምሳት ምን ተዐሌ ገበየተ እምበል ትወልድ ሚኢኮን ቤለዮ፡
- ህቱ ህይ፡ መነቲት ወልደት ቤለዮ፡
- እላቱ፡ ዋልዳይተ ክምሰልህ ዐለት ቤለዮ፡
- ለጋሻይ ህይ፡ ከረቢ ሰብር ለሀበክ ለኦሮቶም ሸፍዐ ቤለዮ፡
- ሰኒ ረትዐ ሓለት ክልኢቶም ተኣጠቤ እበ ሳተ ህታመ ይዐለት ዲበ ቤለዮ፡
- ላመ ሓርያይ ሳተ ዐረዩ ቤለዮ፡
- ከሐቆ ሞት ሓሁ ለእዲነ ሚ ካሪ እተ ዐለ፡ አማኑ ቱ ሰኒ ኬደ ቤለዮ፡
- ለጋሻይ ኣዜመ፡ ላማ እሞም ሞተት ኢኮን ቤለዮ፡
- ህቱ ህይ፡ ሐዘን እትለ ውላደ ወደያተ መስኪነት ቤለዮ፡
- ለጋሻይ ህይ እብ ከሉ ክም ተሐለለ ምን እት ደንገቡ፡ እለ ነብራክ ኣክል ኣዩ ጥዕም ህሌት ቤለዮ፡
- ለእናስ ህይ፡ ክም ሰልሁ ምን ገበኣት ቱ ለእብ በይንዬ በለዕኩህ፡ ወእብ ረቢ ትግበኣኒ ኣጠምጥመክ ምን ኢመስለኒ ቤለዮ፡ ልትብህል፡

ህግዩ ወዓዳት - ክም ስለል ምስንዮት

እት እዲነ ቅደስ ሰቦ ልልፍ ለገብእ እት መንፈዐት መፋህመት ልውዕል ለህላ ሀገሊት ክም ሀላ ልትሐበር። እት ቅድዮት ሀገሊት ለትትሐ'ሰር መጀለት ክምለ ተሐብሩ ህዩ። ማንደሪን ለልቡለ ህግዩ ቻይኑ እብ ብዝሐ መትሃግዮት እት እዲነ ዲብ ሰልፋይት ደረጀት ርትብት ህሌት። እብ አሳስለ ዲብ ሰነት 2019 እለ መጀለት ለወዴቱ ሕፍዝኩ ህግዩ ቻይኑ ቅደስ 1.311 ቢልዮን ለገብእ ሸዑ ሰበት ልትሃገያ ቱ ሰልፋይት ጸብጠት ለህሌት።

ደርብ ማንደሪን ህዩ። ህግዩ ስፒይን 460 ሚልዮን ሸዑ ሰበት ልትሃገያ። እት ካልኣይት ደረጀት ርትብት ለህሌት ተ። ህግዩ እንግሊዝመ 379 ሚልዮን ሸዑ ሰልትሃገያ። ዲብ ሳልሳይት ደረጀት ትትረተብ። ራብዓይት ህግዩ ህንዲ 341 ሚልዮን መትሃግዮት ለቡ። ህግዩ ዐረብ 319 ሚልዮን መትሃግዮት ለቡ 5ይት። ባንጋሊ 228 ሚልዮን 6ይት። ፖርቱጋል 221 ሚልዮን 7ይት። ሩሲያ 154 ሚልዮን 8ይት። ጃፓን 128 ሚልዮን 9ይት ወእት ፓክስታን ወህንድ ለልትሃገወ 'ላህንዳ' ህዩ 119 ሚልዮን መትሃግዮት ለቡ 10ይት።

ህግዩ ቻይኑ ሐቱ ምን ስስ ረስምያት ሀገሊት መዝመት መጀልስ ቅራን እት ገብእ። ምን ሰነት 1946 እንዴ አንበተት። “እድንያይት አምዕል ህግዩ ቻይኑ” ተዐደድ ትነብር ህሌት።

ህግዩ ቻይኑ አስክ ሰነት 2010። እት ዮም 12 ኖቨምበር ተ እት እዲነ ትትዘከር ለዐለት። ምን ሰነት 2011 ወሐር ላኪኑ እግል ዝክረትለ ቀደም 5 አልፍ ሰነት ሕሩፍ ቻይኑ ክም መሀዘ ለልትደገም መስተንክር ንጉስ ጸንጅዮ እንዴ ትበህሉ ለፈቃዶ እት ዮም 20 አፕሪል ተዐዴት። እት ዐዋዲ ቻይኑ ሲንዩን እት ወድነ አውራሐቶም እት ባካት 20 አፕሪል ለልዐዩዱ እብ 'ጉዩ' (ዝላም ብልቱብ) ለልትአመር ዒድ ዐቢ ሀላ እሎም። ምጽአት እለ ዒድ ህዩ። ምን አድጋማት ቻይኑ ለትትበገስ እት ገብእ። ንጉስ

ጸንጅዮ እት ሐልፊነ አውካድ ቅሩብ (ባካት 20 አፕሪል)። እንዴ ወቀለ ሰመ እት ገኔሕ ወበኬ። ብልቱብ ክም ዝላም ክም ዘልማ ቱ ለልትዳገም። ምን እለ እንዴ ትበገሰው ህዩ። ውላድ ቻይኑ እግል ዝክረት እለ ንጉስ ዐቢ። እት ወድነ አውራሐቶም “ዝላም ብልቱብ” አው በዓል 'ጉዩ' እት ዘክር 20 አፕሪል ለዐዩደ። ሰበት እለ እድንያይት አምዕል ሂገ ቻይኑ ምን ወሬሕ ኖቨምበር እት ወሬሕ አፕሪል። ዮም 20 አፕሪል እግል ትግበእ ለትሐፊት እቡ አግደ ሰቡቡ። እግል ሕሽመትለ ሕሩፍ ቻይኑ ለመሀዘ እት ባካት 20 አፕሪል ህዩ ብልቱብ ክም ዝላም ለካረ ሕሽም ንጉስ ጸንጅዮ ቱ።

እት ክፍለት 2013 እት ኤረትርዮ መዕሀድ ህግዩ ወዓዳት ቻይኑ - ኮንፌሸስ እንዴ ትከሰተ ለአደርስ ለህሉ ምን ሰነት 2022 እንዴ አንበተ ህዩ። እግል እድንያይት ህግዩ ቻይኑ በራምጅ



እንዴ ነዘመ። እግል ለዐይደ እንበት ህሉ። ከዮም ዓመትመ። እት ዮም 21 አፕሪል። እት ፍንጌ ደረሰ መድረሰት ህግዩ ወዓዳት ቻይኑ ጅግራታት እንዴ ነዘመ። ዛክረ ወዐለ። ለገብእ ጅግራታት። እት ሰለስ መጃል ለአተንክበ ዐለ። ለአወላይ ጅግረ ክታበት ሕሩፍ ቻይኑ (calligraphy)። ካልኣይ። ጅግረ ርዶደት ቻይኑ (ታይጂ)። ወሳልሳይ ህዩ

ጅግረ ሸዕር ህግዩ ቻይኑ ዐለ። እት ክል ጅግረ። ምን አወላይ አስክ ሳልሳይ ለትዐውተው ደረሰ ሸሃዳት ተህዩበ።

ለዲብ ቅራኣት ሸዕር ህግዩ ቻይኑ ለሻረከው መትጃግረት ደረሰ። ምን ቀደም 1500 ሰነት ልትበህል ለዐለ አሸዓር ቻይኑ ቀዳም እት ለሐሩ። እብ ሺድዮ እት ልቡሉ ቱ ለትጃገረው። ለበዝሐው ደረሰ ናይለ መዕሀድ እትለ ጅግረ እለ ምንመ ለዐለ። እት አክር ለትጃገረው ላኪን 10 ደረሳይ ሌግ ቶም። “ህደፍ ናይ እለ ጅግረ። ደረሳነ እብ ለቀለት ገበይ ዓዳት ወህግዩ ቻይኑ እግል ልክሰሶ ምን ተሐዛ ቱ። እብ አማን ህዩ ንሱር ጅግረ አውአው። እብለ ገበይ አተላለው ምን ገብእ። እት ለትወቀለት ደረጀት እግል ልብጽሖ ሰበት ቀድሮ። ዋልዴን አጀኒቶም እትለ መድረሰት እግል ለአምጽአ ዐዘም” እት ትብል ህዩ። ሐቱ



እት ጅግረ ክታበት ሕሩፋት ቻይኑ። ዐስር ሕሩቶም ደረሳ ቶም ለትጃገረው። ምኖም ህዩ ለዕዉታም ሰለስ ሸሃዳት ነስአው። ሻብት እብትሳም መሕመድ መደርሰት ክታበት ህግዩ ቻይኑ ተ። ክልኤ ሰነት እድርሰት ህሌት። እግል ኖሳመ እትለ መርከዝ ደርሰት። ህግዩ ቻይኑ እት እዲነ ተአማድድ ወትትአመር ትመጽእ ሰበት ህሌት። ክታበተ እግል ንቅደር


ክም ተ ወደሐ። ለሰልፋይ ውቁር እት እንቱ ለትረከበ ሕሩፍ ቻይኑ። እት ዴጸት ጋብሌ እት መደት መምለክት ሻን (1766-1123 ቀ.ተ.ዓ.) ክም ቱ እት ለአፍህም። እለ ህዩ ብስር ወተጠውር ቀዳምያም ሲንዩን ለሸፊሕ ሌጠ እንዴ ኢገብእ። ናይ ኩሎ መጅተመዓት ዐለምን ናይ ሕብር ርዝቅ ክም ቱ አብረህ።

እትለ መደት አዜ ቻይኑ። ሕምብረ ጃዝብዮት እድንያይ ተጀዋዕ ዓዳት ምኑ ወኪን እንዴ ሐልፊት። ምስለ እት ኩሉ መጃላት ተአርእዩ ለህሌት ተጠውራት ወእድንያይ ተእሲር። ህግዩ ቻይኑ ዝያደት መፈተይ ወብዝሓም ለልሐዝወ ህግዩ ጋብኣት ክም ህሌት እት ሸፊሕ። ኤረትርዮንመ። ዲብ ፈትወ ልሂርሮ ወልትዐሎመ ሰበት ህለው። ሕቡን እቦም ክም ቱ ሸርሐ። እብ ሀገሊት ለትገብእ መፋህመት። ለሐሰት ወሲለት ዐደዮት አፍክር። ሐብሬ ወልእክት ሰበት ቱ። እት ፍንጌ ገባይል ቻይኑ ወኤረትርዮ እብለ ህግዩ ወዓዳት። ዝያደት እግል ልትጃለሶ ወምስንዮቶም ለአደቅሶ እት ገብእ ለህላ ጅህድ ዝያድ እግል ልተረድ ትፋኑ።

እት ፍንጌ ደረሰ መድረሰት ዓዳት ወህግዩ ቻይኑ ኮንፌሸስ ለገብኣት መጃገረት። ክል ዶል ለትረዬሕ ወዲብ ደረሰ ቅንእ ለትአሰብቅ ተ። ዐደድ መትጃግረትም ምን ሰነት እት ሰነት ወስክ ወፈዳብያም ደረሰ እት በርክቶ መጽአ ህለው። ደረሰ መዋመጦር ምህሮ አካዳምዮቶም። እት ክም ድሩስ ህግዩ ርዶደት። መሰቀት። አምር-ክቱብ ወብዕድ መውሀብቶም ለልኣፈትሽ ወለአተሌሌ ወስክ ተዕሊም እግል ልድረሱ። እት ዐቦት ፍክርም ተእሲር ዛይድ ብእቱ። እለ መርከዝ ዓዳት ወህግዩ ቻይኑ እት ኤረትርዮ (ኮንፌሸስ)። ምን መትአሳሱ 11 ሰነት ዋዲ ለህሌመ ድኢኮን። ዲበ እት ትትነደቅ ትመጽእ ለህሌት ዓልቀት ገባይል ኤረትርዮ ወቻይኑ ሐዞቱ ውቅል ክም ተ አኪድ ቱ።

ዴማት። ጀሪደት 'ሓዳስ ኤርትራ'





ጅታ ዱር ኢጣልያ - ኤፍቲቪ ቢንያም ግርማይ ሳልሳይ ጅታ

ለሐላፊት ሰንበት ንኢሽ ለአንበተ ዱር ኢጣልያ 2024፡ ማሌ-ለሀ እት ሳልሳይት መርሐለቲ፡ ኤርትራ መትባድራይ ቢንያም ግርማይ ሳልሳይት ደረጃት እንዴ ጸንጦ፡ ፍገራት ሰኔት ሰጆለ።

እለ 166.3 ኪሎምትር ለትግልብብ መርሐለት፡ ናይ ጋድም ጣሬሕ እት ገብእ፡ ሐቲ ናይ ደረጃት አርበዕ ስጋደት ዐለት ዲበ። እብሊ ሸክል ምድር ህይ፡ እግለ እት ሐልፊዩ ክልኤ መርሐለት ስጋደት ስሜቶም ለኢትሰሜት ናይ ወለት-ሳታ መትባድራት ለትትወጤ ክም ተምን ጽባብሐ ድሊት ዐለት።

ክምሰለ ትሰኤተ ህይ፡ የም ዓመት ለሐሰ መትባድራይ ሸፋገት ሾላተ ጋብእ ለሀለ መትባድራይ ናዲ ስኮዳል ኩክ ስቴፕ ላቲ ቲም መርሐለት፡ እብ ሾላተ ዕወት ናይ እለ መርሐለት ገብእ። ነፈር ናዲ ሊድል ትሬክ ጆናታን ሚላን ወመትባድራይ ኢንተር-ማርሼ ቢንያም ግርማይ ህይ፡ እት ደርቡ ኦተው።

ቢንያም፡ እት ሰነት 2022 እትለ

ጅግረ እለ እት 10ይት መርሐለት አወላይ እንዴ አተ፡ ታሪክ ሻቂ ክም ዐለ ለልትዘከር ቲ። አዜመ፡ ታሪክ እግል ልድገም ለትዐንደቀ መስል ሀለ። እሎም መትባድራት፡ እት ሳዐት 42.5 ኪሎምትር እት ልትገምበው እብ 3 ሳዐት፡ 54 ደቂቀት ወ35 ካልኢት ቶም ጅግራሆም እትመማም ለሀለው።

እት ናዲ አስታና አቲ ለሀለ ኤርትራ ሄኖክ ምሉእብርሃን፡ ወቅት እንዴ ኢክሰር 78ይት ደረጃት አተ። እት ሰልፋይት መርሐለት ትልህዩ ሰኔት ለአርአ ወናይ ስጋደት ንቀዋ ለአክሊለ አማኑኤል ገብሬአዝጋብሄር ህይ፡ 3 ደቂቀት ወ37 ካልኢት ምን አወላይ እንዴ ትደንገረ 146 ደረጃት ጸብጦ።

እትሊ ዱር ኢጣልያ እግል ልትወወት ተቅዩም ዛይድ ህዩቡ ለሀለ ታደጅ ፖካቻ፡ ምስለ መትጃግራዩ ለሀለ ቶማስ ግራናይት፡ ለጅግረ እግል ትትመም ሰለስ ኪሎሜተር ክም ተርፈሆ፡ እንዴ ትፈርገዱ ደርብ ሕድ እግል ካልእ ዶሉ ናይ



መርሐለት ዐውቲ ለረክብ መስል ዐለ። ምናተ፡ 300 ምትር ሌጠ ክም ተርፈሆም፡ እብ መጅመ-ዐት ለዐባይ ተሐዩጦ።

ፖካቻ፡ እብ ወቅት - እብ 11 ሳዐት፡ 3ደቂቀት ወ2 ካልኢት ምን ሚርሒት ለተክለዩ ኢትረከቡ። እለ ወድ ስሎፔዩ ሻብ እብ 51

ንቅጠት ፍሉንዩት ሐየት ስጋይድ ናስእ ሀለ። አማኑኤል እብ 10 ንቅጠት ሳድሳይ ርቱብ ሀለ።

እግለ ሊናይት ናይ ንቅጠት ፍሉንዩት፡ መርሐለት እብ 63 ንቅጠት ምን ፍሊፖ ፊረሊ ክብተ ሀለ። ጆናታን እብ እለ ትመስል ንቅጠት ደርቡ፡ ቢንያም ህይ፡ ማሌ-ለሀ እበ

ጀምዐየን 31 ንቅጠት፡ ራብዓይ ርቱብ ሀለ።

እለ ጅግረ ማሌ ምስትመ እት 190 ኪሎምትር ገብእ ማሊ ቲ -ላኪን ቢንያም ሰበት ወድቀ ምን ጽባብሐ እት ሾላተ ካቲመ ክም ኢደቅቡ፡ ለበጽሑክ ከበር አክደ። እግል።

ፈሪቅ ወጀላት ኤረትርያ ጅታ ዱር ኢጣልያ ሻርክ



ምን 11-24 ማዮ 2024፡ እት ዱር ኢጣልያ ሻርክ ሕሩይ ፈሪቅ ወጀላት ኤረትርያ የም አርቦዕ 8 ማዮ ምን ገጽ ላለ አስክ ኢጣልያ ሳፍር ሀለ።

ዲብ ሰርሐለ ፈሪቅ፡ መፈወድ ዓዳት ወርያደት ሰፊር ዘመዴ ተኸሊ፡ መስኡል መታብዐት ልጅነት ኣለምፒክስ ወፓራኦሊምፒክስ ክምሰልሁመ ወጠንያይ ፈደሬሽናት ኮሎኔል ሰለሙን ሰዩም፡ አንፋር መትምማይት ልጅነት ፈደሬሽን ወጀላት ኤረትርያ ሓድራም ዐለው።

ሰፊር ዘመዴ እግለ ፈሪቅ ወጀላት ነበር ዲብ ልተምኤ፡ እግል አሮት ሀደፍ ሰበት ልትጃገሮ፡ ሰዓይት ወሕሳብ እግል ሕድ እግል ሊደው ትፋኑም።

አደብ ለዐባት ዕላመትን ሰበት ቲ፡ ወፈሪቅ ወጀላት ኤረትርያ እብ አደም ስሜቲ ውቅል ሰበት ቲ፡ ስሜቶም እግል ልትሓፊዞ ዲበ ሰፊር ዘመዴ መክረ።

መደርብ ሕሩይ ፈሪቅ ወጀላት ኤረትርያ አሰይድ ሙሴ አስሄል እብ ጀሁቲ፡ መዳሊቶም ዋድያም ክም ህለው ለሰለስ ናይ ሐት-ሐቲ ምዕል ጅግራታት ዝያደት ንቀዋ ሰበት ለአትህይቡ፡ እትን እግል ልክደም ክም ቲ ሐበረ።

መትባድራት ሕሩይ ፈሪቅ ወጀላት ኤረትርያ ኩሎም ውላድ እት ገብኤ፡ ሚርን ተሾሜ፡ አኸሊሉ ገብሬሂወት፡ ኤሽን የማይ፡ ሚልክዶስ ማእከሌ ወያፊት ሙሉጌታ ለብእቶም፡ ወመደርቦም ሙሴ አስሄል ታሊሆም ሀለ።

ተኸሊት ኢሳቅ (ሳንድያን) ዕላቃት ፃም ፈደሬሽን ወጀላት ኤረትርያ

ፕሪመር ሊግ እት 36ይት ሳምንቱ

ለድቁብ ፍረቅ ፕሪመር ሊግ እት ሐልፈ ሰነብት ናይ ሽብህ ደንገበ ትልህያታቲ ዋዲ ዐለ። እትሊ ገሌ ፍረቅ ለህገገ ወገሌሁ ለዐርገ ዲቡ ትልህያታት፡ ዐጃይብ ጅግራታት ትረኣ።

እት ትረከበት ፍገራት ምን እንረኤ፡ አርሰናል እግል ቦርኔሚውዝ 3-0፡ ኒውካስል እግል ቦርንጎሊይ 4-1፡ ኖቲንግሃም ፎሬስት እግል ሼሬልድ 3-1፡ ማንቼስተርሲቲ እግል ምልቭስ 5-1፡ ቼልሲ እግል ዌስትሃም 5-0፡ ብራይተን እግል አስቶን ሺላ 1-0፡ ሊቨርፑል እግል ቶቲንግሃም 4-2፡ ወክሪስታል ፓላስ እግል ማንቼስተር ዩናይትድ 4-0 ቀልበዎም። ሉቶን ታውን ወኤቨርተን 1-1፡ ክምሰልሁመ ብሬንትፎርድ ወፋልሃም፡ 0-0 ትፈናተው።

እብ ፍንቱይ ዲብ ፍንጌ ክሪስታል-ፓላስ ወማን ዩናይትድ ለዐለት ትልህዩ፡ ለገናድ ፈሪቅ ማንቼስተር ዩናይትድ እብ ክሪስታል-ፓላስ አክጀህ ልትሳረክ ዲብ ሀለ። ብዝሓም መትፈርጀቲ ለአክጀለ ሐደስ ዐለ። እትለ ትልህዩ እለ፡ ፕሪስታል እግል ማንቼስተር ተንከስ ለክልኦ ዲበ መናሰበት ረክቡ።

እትለ ትልህዩ ሚካኤል አሊሴ ወማቴተ እት 12 ወ40 ደቂቅ ቀደም ዕርፍ እበ አተዉ አግዋል እግል ዕርፍ እስትሮሕ እት እንቲ ለፊግረ ክሪስታል-ፓላስ፡ ሐቆ ዕርፍመ አሊሴ እት 66 ደቂቀት ወታይሪክ ሚሽል እት 58 ደቂቀት እበ አተዉ አግዋል ቲ፡ እግል ማንቼስተር ስሜቲ ለከረ።



ክሪስታል-ፓላስ (4-0) ማንቼስተር



ቼልሲ እግል ዌስትሃም (5-0)

ቼልሲ እግል ዌስትሃም'መ 5-0 ሀለ ለአርኤት መናሰበት ዐለት። ለቀልበ እት ምሴት፡ ፈሪቅ ቼልሲ ሊቨርፑልመ እግል ቶቲንግሃም አክይ ወቅት ክም ጌስ ዲቡ ለሐሶሴ ክም ሕባብ ወደዩ።

ውቁል ፍረቅ ፕሪመር ሊግ		
1. አርሰናል	-----	83 ንቅጠት
2. ማንሲቲ	-----	82 ንቅጠት
3. ሊቨርፑል	-----	78 ንቅጠት
4. አስቶን ሺላ	-----	67 ንቅጠት
5. ቶቲንግሃም	-----	60 ንቅጠት
6. ኒውካስል	-----	56 ንቅጠት
7. ቼልሲ	-----	54 ንቅጠት
8. ማንቼስተር	-----	54 ንቅጠት

78 12